

UMLALATI WEKUFUNZISA NEKUBHALA

LOKUNCANJIWE, TINDZABA KANYE

NEMATHEKSTHI LENDLULISA IMBIKO


SISWATI

LULWIMI LWASEKHAYA

LULWIMI LWEKUCALA LWEKWENGETA


LULWIMI LWESIBILI LEKWENGETA

**EMABANGA 10-12
2019**



basic education

Department:
Basic Education
REPUBLIC OF SOUTH AFRICA



**UMLALATI WEKUFUNDZISA NEKUBHALA
LOKUCANJIWE, TINDZABA KANYE NEMATHEKSTHI
LENDLULISA IMIBIKO
SISWATI**

**LULWIMI LWASEKHAYA
LULWIMI LWEKUCALA LWEKWENGETA
LULWIMI LWESIBILI LWEKWENGETA**

EMABANGA 10 – 12

LOKUCUKETFWE

1.	INHLOSO	4
2.	KUBHALA LOKUCHUBEKAKO	4
3.	TINDZABA (Tinhlobo tetindzaba)	5
3.1	Indzaba lelandzisako	7
3.2	Indzaba lechazako	9
3.3	Indzaba leveta likamuva/limuva lembhali	10
3.4	Indzaba lehlangotsilunye	12
3.5	Indzaba lenhlangotsimbili	13
4.	EMATHEKSTHI EMIBHALOMBIKO LEMIDZE	15
4.1	Incwadzi Yebungani (Tibonelo Tato)	16
4.2	Incwadzi Yemtsetfo (Tibonelo Tato)	19
4.3	Umlandvomphilo nencwadzi lechazako	24
4.4	Umlandvomufi	28
4.5	I-agenda nemaminithi emhlangano	29
4.6	I-athikili yeliphephandzaba	31
4.7	I-athikili yeliphephabhuku	33
4.8	Sihlatiywa	33
4.9	Umbiko lohlelekile	36
4.10	Inkhulumo lehlelekile	38
4.11	Inkhulumiswano	39
4.12	Inkhulumoluhlolo/ inkhulumoluphenyo	40
5	EMATHEKSTHI EMIBHALOMBIKO LEMIFISHA	41
5.1	Idayari	41
5.2	Sikhango	42
5.3	Iphostha	43
5.4	Iflaya	44
5.5	Ticondziso	45
5.6	Tinkhombandlela	46
5.7	Likhadi simemo	47
5.8	Iphosikhadi	48
5.9	I-imeyili	49
5.10	Kugwaliswa kwema fomu	50

6. Tichibiyelo	53
6.1 Emarubhriki ekuhlola indzaba - Lulwimi Lwasekhaya	54
6.2 Emarubhriki ekuhlola imibhalombiko lemidze Lulwimi Lwasekhaya	56
6.3 Emarubhriki ekuhlola indzaba Lulwimi Lwekucala Lwekwengeta	57
6.4 Emarubhriki ekuhlola imibhalombiko lemidze Lulwimi Lwekucala Lwekwengeta	62
6.5 Emarubhriki eLulwimi Lwesibili Lwekwengeta not yet available	63

1. INHLOSO

Inhoso yalencwadzi kwelekelela bafundzisi nebafundzi bemabanga 10 – 12 emshikashikeni wekufundza nekufundzisa **lokucanjiwe lokutindzaba nemibiko leyendlulisa imilayeto**. Lencwadzi itawusita kakhulu bafundzi ekuphumeleleni kuzuza loko labakuhlose ngemakhono ekutibhalela nawuticambela kanye nekutsi balungiselele luhlolo kanye netivivinyo tabo. Ibhaweh yehlukaniswa ngetigaba letintsatfu. Kukhona tinhlobo tetindzaba, imibhalomibiko yekuticambela, lemidze kanye nalemifisha. Ngaphansi kwaleso naleso sigaba kunetibonelo tetinhlobo taleso sigaba, kwachazwa luhlolo ngalunye kwaze kwanikwa ngisho netibonelo takhona.

Yisebentiseni-ke nine bogobela bematfwasane nitfwasise ngayo ematfwasane enu, nawo latakuba bogobela bakusasa.

KUBHALA NEKWETFULA kunika bafundzi litfuba lekwakha nekwendlulisela imicabango nemibono yabo ngalokuhambelanako. Kuhlala njalo batilolonga ngekubhala ematheksthi ngetinhlobo letehlukene tetimongcondvo, imisetjentana, netindzima tesifundvo, kunika bafundzi litfuba lekuchumana ngekusebentisa lulwimi nangekuticambela. Injongo kukhicia babhali labanemakhono nalabanebuciko labatawusebentisa emakhono abo ekubhaleni nasekwetfuleniimibhaloleyemukelekile,tibonwa,kanyenematheskthilatinhlobonhlobo tekuchumana ngekwetinhloso letinhlobonhlobo. Lwati Iwetakhi netimiso telulwimi Iwenta bafundzi bakhicite ematheksthi lahambelanako nalabumbene. Takhi telulwimi kufanele tifundziselwe kutsi bakwati kutakhela ematheksthi lasesimeningcondvo sabo. Takhi telulwimi atingasetjentiselwa kuphela kuhlatiya imisho letimele. Kufanele tichaze indlela imisho leyakheke ngayo kute kwakhiwe itheksthi lephelele njengetincwadzi tetindzaba, tindzaba, tincwadzi nemibiko bafundzi labatifundza kutifundza babuye batibhale etikolweni.

Lamakhono langenhla kufanele afundziswe ngekuhlanganisa. Ekuwfundziseni ngekuwahlanganisa lamakhono, kugcila ekufundziseni linye likhono kungaholela ekufundzisweni kwalelinye. Sibonelo: umfundzi lowenta Inkulumomphikiswano utawufundza indzaba lenhlangotsilunye/ lenhlangotsimbili bese utakhela yakhe indzaba lenhlangotsilunye/ lenhlangotsimbili asebentisa takhi telulwimi njengabomcondvofana nabomcondvophika, kuphika netihlanganiso, njll.

2. KUBHALA NEKWETFULA

Kubhala nekwetfula kuhlanganisa ndzawonye tincenyte letintsatfu:

- kusebentisa indlelanchubo yekubhala.
- kufundza nekusebentisa Iwati Iwesakhiwo netimphawu tetinhlobo letehlukene tematheskthi.
- kufundza nekusebentisa Iwati Iwetindzima nesakhiwo semusho neTimphawu tekubhala.

Indlelanchubo yekubhala

Kufundzisa kubhala kuvame kufaka ekhatsi kusebenta kwetincenyte tenchubo yekubhala. Nanobe kunjalo akusito tonkhe tinyatselo tendlelanchubo letisetjentiswa kutotonkhe timo. Sibonelo, nangabe bafundzi babbala luhlolo labalwetayele Iwetheskthi abadzingi kuhlahlela sakhiwo netimphawu telulwimi. Kungahle kubekhona timo lapho bafundzisi bagcila khona esakhiweni semusho nekubhalwa kwetindzima, nobe bafundzi babbale ngaphandle kweluhlakasimo nababhalela luhlolo. Kubhala nekucamba ematheksthi yintfo lechubekako. Kubalulekile kutsi umfundzisi anike bafundzi litfuba lelanele lekutetayeta kubhala lokuchubekako. Bafundzi kufanele -

- batsatse sincumo ngesihloko, inhoso netetsamelilwati kuze kube nekuchumana emkhatsini wesihloko nemsebenti lekutawubhalwa ngawo nobe sihloko lesitawucanjwa kanye netetsamelilwati;
- bacocisane ngemibono basebentisa sibonelo, emabalavemcondvo, emashadi labonisa kulandzelana kwemyaleto (emafuloshadi)

- batfole Iwati emitfonjeni yelwati lefanele, bahlunge Iwati lolufanele bahlele imibono yabo;
- bakhe luhlaka Iwekucala lolubukene nenhoso, tetsamelilwati, sihloko kanye nembhalo;
- bafundze luhlaka Iwekucala ngekucaphelisia nekutfola lokutfolwe ngulabanye labafundza nabo, umfundzisi kanye nemalunga emndeni;
- bakhe tinhlaka letinyenti ngalokudzingekile – (babuyeketa ngekubhekisa kulokutfolwe ngulabanye), kulungisa emaphutsa nekuhlela tinhlaka;
- bakhe luhlaka Iwekugcina lolucanjwe kahle, babukisane babuye bahlole umkhicito wekugcina, umfundzi ayedvwa kanye nalafundza nabo nemfundzisi;
- betfule umkhicito wekugcina ngekwabelana nabontsanga, bafundzisi, batali nalabanye lababambe lichaza.

Caphela!

- Bafundzi kufanele bahlale babbala njalo. Umsebenti wamalangonke nobe wemaviki onkhe, longakahlolwa ngalokuhlelekile, uyinsita yekukhutsata kubhala. Bafundz kufanele bahlale njalo banikwa litfuba lekubhala ngekuhululeka ngaphandle kwetidzingo tekuhlolwa.
- Ekubhaleni lokuhlelekile, kuphakanyiswa kutsi bafundzisi kumele bahlole emakhono nobe emakhonywana latsite lokusetjentwa ngawo kuleso sigaba sekubhala. Sibonelo, akukadzingeki kutsi kunakwe onkhe emakhono elulwimi kuleso naleso sinyatselo sekubhala, loko kuyinchubo yebafundzisi belulwimi bakadzeni. Loko kwaba nemphumela wekutsi likhono lekubhala linganakwa njengobe belidzinga kuhlala lihlolwa ngalokujulile njalo.
- Bontsanga kumele nabo bafundze kuhlela umsebenti walabanye njengobe kuyinceny lemcoka yenchubo yekubhala.
- Luhlangotsi lolumcoka Iwalomphumela kwetfulwa kwemsebenti lobhalwako. Ungehlukanisa emkhatsini wabontsanga, bafundzisi, sikolo sonkhe, batali nobe ummango wonkhe lekumele ubambe lichaza. Umfundzi utatigcabha ngemkhicito lophelele longenatikhala.

3. INDZABA:

Indzaba iyinceny lengetiwe yembhalo, lapho umbhali aveta khona umbono wakhe ngesihloko lanikwe sona. Indzaba kufanele ibe nesingeniso, umtimba nesipheto. Loku lokulandzelako yinchazelo lemfisha yaletincenyetendzaba:

KUHLELA KUBHALA INDZABA

Kuhlelela kubhala kufaka ekhatsi loku lokulandzelako:

- **Kuhlanganisa tinhloko**

- **Sihloko:**

- Dvwebela emagama lacuketse umongo wesihloko kute unagagndluki esihlokweni.
 - Tibute imibuto lefana nalena; Ngubani? Yini? Nini? Kuphi? Njani?
 - Hlela indzaba yakho ngekusebentisa libalavemcondvo.

- **Singeniso:**
 - Singeniso siyinceny lebaluleke kakhulu endzabeni.
 - Kufanele singabi sidze.
 - Gwema kucala indzaba yakho ngekutsi: ‘Ngalelinye lilanga...,’ ‘kulendzaba yami, ngitawutsandza kucoca nge...’
- **Umtimba**
 - **Tindzima letimumetse imicondvo lebalulekile:**
 - Nguleyo naleyo ndzima kufanele icukatse umcondvo lobalulekile, lonemininingwane leyesekelako naletfutfukisa umcondvo lobalulekile.
 - Tindzima tiyehluka ngekwebudze. Imibono netigameko kufanele kube nemaphuzu lelamanako, latselelane emanti abuye abumbane.
 - Gwema imisho lemidze.
 - Imisho kufanele ibe yetinhlobo letehlukene leyakheke ngalokufanele
- **Siphetfo:**
 - Esiphetweni kulapho umfundzi asonga khona, abeke umbono wakhe ngalamafisha.
 - Siphetfo kufanele kube ngulesicabangisako, lesishiya tetsamelilwati nemcabango lotawuhlala etingcondvweni tawo ngemsebenti wakho.

BUDZE BEMATHEKSTHI EKUTICAMBELA (INDZABA):

LIZINGA	LIBANGA 10	LIBANGA 11	LIBANGA 12
• HL	• Emagama la-240-290	• Emagama la- 290-340	• Emagama la- 340-390
• FAL	• Emagama la-90-140	• Emagama la-140-190	• Emagama la-190-240
• SAL	• Emagama la- 90-120	• Emagama la-120-150	• Emagama la-150- 180

TINHLOBO TETINDZABA

- Indzaba lelandzisako
- Indzaba lechazako
- Indzaba leveta likamuva/limuva lembhali
- Indzaba lenhlangotsimbili leveta simo njengobe sinjalo
- Indzaba lehlangotsilunye

3.1 Indzaba lelandzisako

Umfundzi akakwati koticambela indzaba, ayibhale alandzele timiso netakhiwo, abe nelikhono lekubumba intfo lengekho ibe khona. Kufanele akhetse kahle emagama ahambisane nembhalo-irejista, atati futsi atibone tinhlobo tetindzaba.

Kubalulekile kutsi umfundzi avisise sihloko sendzaba avisise nekutsi siluhlobo luni, bese wakha luhlaka latawubhala asusela kulo. Umfundzi akasebentise lulwimi lolufanele (irejista) aphindze alunonge ngetinongo tenkhulumo, asebentise taga netisho ngendlela lefanele lekhombisa lwati, afake netiga tenkhulumo imbalu. Umfundzi akayiphotse kwentsambo indzaba yakhe, tindzima titselelane emanti, kusukela esingenisweni kuyewufika esiphetfweni.

Indzaba lelandzisako nguleyo lecoca indzaba nobe lelandzisa ngesigameko lesitsite lesake senteka esikhatsini lesengca. Ingabhalwa isuselwe kunobe nguluphi luulangotsi.

Sibonelo setihloko:

- Besinesikhatsi lesimnadzi. Bekunekudla lokumnandzi, umculo lomnandzi nebangani labahle. Kwatsi kusenjalo kwaba khona kutamatama kwemhlaba. Bhala ngalesigameko.
- Indzaba letendlula tonkhe lengake ngacocelwa ngumkhulu wami.
- Mhlazana kugutjwa lusuku lwemasiko eMpumalanga.
- Kuhlasela kweTsunami e-Indonesia.
- Mhlazana kushada umnaketfu lomkhulu.

Cikelela loku lokulandzelako uma ubhala indzaba lelandzisako:

- Indzaba kumele ibe netigameko letitayenta ibe yindzaba lekholekako nanobe isuselwa enhloko.
- Indzaba lelandzisako ivame kubhalwa ngesikhatsi lesengcile.
- Indzima yesingeniso kumele ihehe tetsamelilwati.
- Indzaba lelandzisako kuyenteka ifake tincenye letichazako.
- Indzaba lenhle nguleyo lenemlayeto.
- Siphetto lesiyngwijikhwebu lejabulisako sinika lisasasa endzabeni.
- Umfundzi wendzaba kumele aheheke kute kube sekugcineni kwayo. Indlela, emasu ebugagu nemnyakato kufanele kucinisekise kuyijabulela.
- Kulandza lokuyimphumelelo kukhomba ngalokusobala imininingwane yemiva njengekubona, umsindvo, kunambitseka, liphunga nekutsintsa.
- Khumbula kutsi indzaba lelandzako ineluphawu lolucinile lwekuchaza.

Nasi sibonelo sendzaba lelandzisako:

INDUMEZULU YEMCIMBI LENGINGEKE NGIWUKHOHLWE

Indumezulu yemcimbi, ngumcimbi lomkhulu, lomuhle, lobangundzabamlonyeni loba nebantfu labadvumile, kugcwale, futsi kudliwe kahle, tonkhe tibiloco bantfu labatifunako bayatitfola. Umcimbi wekubonga ngumcimbi lapho kwendluliswa khona emavi ekubonga emntfwini lowente nobe lowenta kahle.

Betingemashumi lamabili nesihlanu enyangeni yeNyoni ngemnyaka we-2017, kunguMgcibelo ekuseni. Wonkhe umuntfu abephitsitela ngenjabulo, benta emalungiselelo emcimbi nami ngijabule shengatsi lomcimbi wentelwa mine. Bekutsi nangitfunywa nobe ngikhulunyiswa bekuvele kube nhlanga temuka nemoya ngobe bengingafunu kuva lutfo ngendlela lebengijabule ngayo. Kwtsi emini yasekuseni tacala tetseleka tivakashi netikhulu lebetimenyiwe, lebetemukelwa ngetandla letimhlophe. Gogo yena abetivalele nalabanye batukulu bakhe bamelekelela kutsi abe muhle.

Tangena tivakashi ethendeni lebelimiswe ngaphandle, belinembala lomhlophe nalomnyama, ekhatsi lihlotjiswe kahle, ligcwele timbali letinhlobonhlobo. Nawungena ekhatsi bewungafunga utsi ingadze yase-Edeni. Umsebenti lebenginikwe wona wekutsi ngemukele tivakashi ngibuye ngicinisekise skutsi tihteti kahle futsi titfola kwekulibatisa, umcimbi usengakacali. Bekubuhhomuhhomu ngekhatsi ethendeni, tihambelimcimbi tivuselana naletibetayele. Lenye yetintfo lebeyiletsa injabulo kutsi kwekulibatisa bekuhambisana nekwekunatsa lokubuya emakhateni, kuphotisa umtimba kubye kucedze nemjuluko. Indlea tihambelimcimbi lebetihlobe bewungatsi laba lebebahlobia lithende bebaphindze baphetse netembatfo talabo labebeawubamdzibimunye nebaniyo bemcimbi.

Sashaya sikhatsi sekutsi ucale umcimbi, nembalu kwaba ngendlela lebekuhlelwe ngayo, kakhulukati ekugcineni sikhatsi sekucala. Umphatsi iuhlelo wemukela wonkhe umuntfu labekakhona, wabuye wendlala injongo yalomcimbi, lebekukubonga salukati salapha ekhaya ngako konkhe lesasikwentile kute kufike lolusuku lwemcimbi... Kwfika sikhatsi sekutsi siphume salukati lapho besilolongelwa khona, singene ethendeni. Bewungafunga utsi kwakungena stiwako ngobe wonkhe umuntfu wesukuma wema ngetinyawo, emajaha ashaya temakhwela, bomake nabogogo balilitela ngobe babona salukati siyidlile inqubo, sihambela etulu ngobe nasi sitibona kutsi singusuluka timbuke.

Wacala umcimbi, tasukuma tikhulumi ngekulandzelana kwato, tikhuluma lebetikulungiselele ngagogo. Kwfika sikhatsi lapho bantfwana nebatukulu nabo bekufanele bendlulise emagama nobe emavi ekubonga kulomdzala. Nabo basukuma ngekulandzelana kwebo batibongela kugogo wabo. Make nababe kwaba ngibo labesula inkhundla ngembi kwekutsi gnaye gogo asukume atibonge. Salukati sasukuma sesimanti ngetinyembeti tenjabulo, sibonga iminyaka lebesesiyiphilile siyiphila kammandzi nebatfwana kanye nebatukulu baso. Sabonga kunakekelwa lebekungakavami emindenini leminyenti lapho bobobo bahlukunyetwa khona. Lokukhulu lesatibongela kuko, kuhlala nebatfwabaso singatfunyelwa ekhaya letimphunga. Setsembisa kutsi siyawutiphatsa kahle, siphile ngenjabulo nawo wonkhe umuntfu kulamalanqa ebhansela Nkulunkulu lasiphe wona. Saqcina ngekubonga bonkhe bangani baso labebahambele lomcimbi.

Kwfika sikhatsi sekutsi siphwi tipho, ngobe loko bekuyindlela yekukhombisa inhloniphon nekubonga. Gogo wemukela tipho ngetandla letimhlophe, injabulo ibonakala igcwele emehlwani. Ngasemaphetselweni eluhlelo tivakashi besetabonakala kutsi tilole ematinyo. Phela betitjeliwe kutsi betitawudla tifinye ngengoza. Wonkhe umuntfu bekadla konkhe lokukhona ngobe akwatiwa lokwakhuluphalisa ingulube.

Batsi nabacedza kudla, kwavulelwa wonkhe umuntfu kutsi ente nobe ngayini labetawujabulisa ngayo tivakashi. Basukuma bantfu bapha indlebe umculo, labanye bambongeleta, bamfisela lunwele loludze. Wonkhe umuntfu abenyakata nakusha inqoma ngobe bekusindvwe ngebelitfole. Gogo waphumula nakayobeka umtimba phansi.

Lelo lilanga lengingeke ngilikohlwe ngobe bengicala kubona gogo ajabule ngalendlela labejabule ngayo, futsi wonkhe umuntfu watfola lituba lekuveta litinyo nabosatiwako.

3.2 Indzaba lechazako

Endzabeni lechazako, lobhalako uchaza bantfu, simo lesitsite, tindzawo, imphilo, tihlahla, sehlakalo lesitsite, njll. Intfo lechazwako kufanele tetsamelilwati tiyibone ngemehlo engcondvo nobe titakhele sitfombe sayo engcondvweni ngemagama lasetjentisiwe nakuchazwa. Loluhlobo lwendzaba lwehluke kuletinye ngekutsi umbhali angasebentisa tinhlobo letibanti letehlukene tetichasiso, letifaka ekhatsi tipawulo, tibaluli, tandziso, tentakutsi, njll. Umbhali angabuye asebentise tinhlobo letibanti letehlukene tetinongo tenkhulumo, taga, tisho, tiga tenkhulumo, njll.

Ngentasi kunetihloko tetindzaba letichazako letingahle tisetjentiswe:

- Buhlungu.
- Sikhatsi lesiletsa injabulo kimi.
- Kutfwasa kwelihlobo.
- Tidzakamiva.

Cikelela loku lokulandzelako uma ubhala indzaba lechazako:

- Chaza umunfu/intfo ngendlela letawenta setsamelilwati sibone lokukhulunyuwa ngako ngalokucacile
- Yakha sitfombe ngemagama
- Khetsa emagama netinkhulumo ngekucopehelela kufinyelela kuloko lokuhlosiwe
- Sebentisa imifanekiso lebonwako, yemsindvo, yekuva, yekunambitsa nekutsintsa, babuye -
- Sebentisa tinongo tenkhulumo.

Sibonelo sendzaba lechazako:

Lengingakwenta nangingaba nguthishelanhloko wesikolo

Sikolo, sikolo ngathishelanhloko. Ngaphandle kwathishela nhloko, sikolo sifana nenkhukhu lejutjwe inhloko iphila, lezubazuba ingati kutsi iyaphi, inhlitiyo ize ime. Nakhona esikolweni lesingenamphatsi, bafundzisi nebantfwana benta labakufunako, kubete lowekhuta lomunye, kuba kukamhlambi lotelusile. Kubalulekile-ke kutsi nguleso naleso sikolo, akukhatsaleki kutsi singanani, sibe nenhloko lephetse.

Nangingaba nguthishelanhloko, tinyenti tintfo lengingatintjintja kute sikolo lengsisiphetse sibe ngundzabamlonyeni ngebuhle nangemiphumela kuwo onkhe emabanga. Lokubalulekile lengingacala ngako, kubuka kutsi tonkhe tinchubomgomo letisisekelo semfundvo, tikhona yini, nangabe tingekho, ngichumane nalabaphetse temfundvo esifundzaveni ngicele bangiphe tona. Kusuka lapho ngicinisekise kutsi wonkhe umfundzisi nawo wonkhe umfundzi usebenta, atfobela letinchubomgomo. Ngetulu kwaloko ngingabuye ngibite Batali, bachazelwe ngaletinchubomgomo ngoba sikolo simikhakhamitsatfu sisinye. Ngaphandle kwelubambiswano nebatlali, ngeke kube nekusebenta lokuhle.

Lokulandzela kuphepha, tidzingonchanti. Ngingacinisekisa kutsi sikolo sinemanti lahlantekile kanye netindlu tangasese letiphephile. Phela nakungekho loku, sikolo sifana nelihobosha ngobe bafundzi nebfundzisi batawehla benyuka

bafunana nemanti netindlu tangasese bese kudleka sikhatsi sekufundzisa nekufundza.

Lokubaluleke kakhulu kutsi sikolo sibe yindzawo lephephile kuwo wonkhe umuntfu longekhatsi emabalen esikolo. Ngingenta kutsi tekuphepha esikolweni ticieniswe kuze bafundzi naebafundzisi bavikeleke. Ngingasebentisana nemaphoyisa ngekutsi ngitibandzakanye eluhlelweni Iwawo Iwe-'Yemukela liphoyisa.' Loluhlelo ngingalusebentisa kutsi locale ngekuchazela bonkhe lababandzakanyekako kutsi lubaluleke ngani nekutsi lusho tintfo letingakavunyelwa kungena emabalen esikolo. Ngingacela kutsi njalo ekuseni nangetikhatsi telikhifu esikolweni, emaphoyisa ete atewusesha bafundzi nebafundzisi kutsi abaphatsi tilimato. Babuye baseshe kutsi abanato yini tidzakamiva, labatsi bangatidla bese tibenta bavuke tingwenyama, balwe.

Hulumende wenta lokuhle ngekutsi kuto tonkhe tikolo, bantfwana banikwe kudla. Ngingacinisekisa kutsi bantfwana batfola kudla ngalokufanele. Phela emakhaya labaphuma kuwo awafani ngesimo semnotfo. Labanye baphuyile kantsi labanye batintsandzane, lokwenta kutsi bete esikolweni balamibile.

Kufundzisa nekufundza kungumgogodla wesikolo. Ngingacinisekisa kutsi bobkhe bafundzisi bayafundzisa, bangena babuye baphume ngesikhatsi emaklasini, banika imisebenti yawo onkhe emalanga ngalokufanele. Lokubaluleke kakhulu kutsi banike netivivinyo letitawucinisekisa kutsi sikolo sitfole imiphumela lemhle ekupheleni kwemnyaka. Ngingabuye ngivule ematfuba ekutsi bafundzisi bachumane nebatali bebantfwana labangasebenti kahle. Ngingagcugcutela nekutsi kube nemalanga lapho Batali bangea batewubuka tincwadzi tebantfwana babo bakhone nekucocisana nebafundzisi kute cube nenchubekelbili yebantfwana.

Kuchumana nebafundzi njengathishelanhloko kuyintfo lebaluleke kakhulu. Ngingenta luhlelo Iwemihlangano lapho ngitawuhlangana khona nesigungu lesimele bafundzi kute ssicocisane ngetidzingo tebafundzi esikolweni. Sigungu singanikwa litfuba lekuveta tikhalo tebaubdzi kute kugweke kubhikisha lokungadzingeki. Ngingasikhulula sigungu kutsi sibite imihlangano yebafundzi lapho batewucocisana khona ngekukhululeka.

Ngekubona kwami thishelanhloko ungumgogodla wesikolo. Kulindzeleke kutsi ngaso sonkhe sikhatsi ete netindlela letinsha letingenta kutsi sikolo sakhe sihlale sisezingeni lelipakeme ngaso sonkhe sikhatsi. Lokubalulekile kutsi leto tindlela kufanele tihambisane nesikhatsi semphilo yalomuhla, njengekwetfulwa kwetheknoloji leyindlela bafundzi lebangayisebentisa uma bafundza. Tonkhe leintfo, ngekubambisana nebafundzisi, batali neLitiko Letemfundvo, tingaletsa tingucuko letinyenti esikolweni lengisiphetse.

3.3 Indzaba leveta likamuva/limuva lembhali (HL neFAL kuphela)

Tindzaba letiveta likamuva/limuva lembhali tiveta imibono, tipakamiso imicabango nemiva yembhali ngesihloko lesitsite, kakhulukati loku lasuke anenshisekelo ngako. Kuvamise kutsi icondzane nembhali kunekutsi icondzane nanobe ngubani, tidzinga sakhiwo lesihlelekile kodvwa hhayi sipheto lesicacile. Loluhlobo Iwtindzaba atidzingi kuveta imibono ledzingidvwe ngalokulinganako, nanobe tingahle ikwente loku. Tingaba nemahlaya nobe tingabi nawo.

Ngentasi kunetihloko tetindzaba letiveta likamuva/limuva lembhali letingahle tisetjentiswe:

- Nginje, nje, nje...
- Kube sikhatsi siyajikiswa.
- Ngibambe lendzebe nje ngenca yekugucula umcondvo.
- Emuva angibuyeli.

Cikelela loku lokulandzelako uma ubhala indzaba leveta likamuva lembhali

- Indzaba leveta likamuva/limuva lembhali icuketse luvo lwembhali lolucondzane naye ngco kunekutsi icondzane nalabanye.

- Imiva nendlela umbhali latsatsa ngayo tintfo ibaluleke kakhulu kuloluhlobo lwendzaba. Luvo nemiva kunelichaza lelikhulu.
- Incenye lenkhulu yalendzaba iyachaza. Letinchazelo kumele ticace tibe nenhoso yekubuye takhe kabusha tinkhumbulo letisengcondvweni nobe imiva yembhali endzabeni.
- Imibono, imicabango, nobe imiva letfuliwe kufanele ivete kwetsembeka nekutibandzakanya kwembhali.

Sibonelo sendzaba leveta likamuva lembhali:

Kubeketela ngiko lokungibike kulelizinga lengikulo lomuhla

Kukhula ungabati batali kubuhlungu ngobe lutsandvo lwebatali awulutfoli. Bacinisile nabatsi intsandzane lenhle ngumakhotwa ngunina. Kungabi nebatli kwenta kutsi imphilo uyitondze, ulucalekise lusuku lowatalwa ngalo. Kimi akubanga njalo, lesimo lengibukene naso ngasitsatsa ngemoya lomuhle, ngatitjela kutsi nobe yini lengenteka emphilweni yami ngitavibeketelela.

Indzaba yami ibuhlungu, ngakhula ngiva kutsi make washona ngisemncane, babe yena washona engotini yemoto ngineminyaka lemitsatfu. Loko kwangenta kutsi ngiyewukhulela kamalume lapho simo atange sibe sihle. Lebekungivisa buhlungu kutsi malume abetsengela bantfwabakhe timphahla mine angibandlulule. Lesento samalume sangenta ngabeketela kulobulukhuni lengahlangabetana nabo.

Ngikhumbula kahle uma ngingena esikolweni semabanga laphasi ngaleso sikhatsi bekute labaphekako etikolweni. Bengisuka ekhaya ngidle lidoko ngibuye ngensimbi yesibili ntsambama. Uma ngifika ekhaya bengifike ngisile tinhlengezi kucala ngiko ngitewucala kupheka. Ngaleso sikhatsi bengineminyaka lelishumi nakubili. Ngasibeketelela sonkhe lesimo senhlupheko. Emcondvewni wami akutange kungifikele kutsi ngalelinye lilanga ngitawendlula kulesimo, batsi labadzala lokungapheli kuyahlola.

Ngafundza ngaphumelela esikolweni semabanga laphasi, ngaya esikolweni semabanga laphakeme ngaphumelela ngemalengiso kuto tonkhe.tifundvo tami tamatekuletjeni. Ngenca yekuphumelela kahle etifundvweni tami, Ltiko leTemfundvo lase linginika umfundzate. Ngahamba ngaya enyuvesi yaseVenda ngayofundzela kuba ngusonhlalakahle Bekuba buhlungu kakhulu kimi uma ngibona bangani labaphuma emindenini lenjingile, kulesinye sikhatsi batali babo babalandze uma kufika tikhatsi temaholide.

Ngafundza ngenta kahle kuto tonkhe.tifundvo tami kwate kwefika umnyaka wesine lengacedza ngawo. Kwefika lilanga lekwetfweswa ticu. Sagcokiswa kwaba kuhle kwaba njeya. Labanebatali bebaifikile kutebasekela ngalelo langa. Kwasho kona kutsi sekuphelile ngenyuvesi sekusele kutsi siye emakhaya, lapho siyocala lenye imphilo.

Sahamba sijabulile. Kufika kwami ekhaya, bengicabanga kutsi ngitawufike ngitfole umsebenti konkhe kugele inhlupheko, kantsi bengingakabuti elangeni, bekufanele ngihambe ngifaka ticelo temsebenti njengobe bengifundzele kuba ngusonhlalakahle. Atange temukelwa masinya ticelo tami. Kwabita kubeketela, kwaphela iminyaka lemibili solomane kute lapho ngicashwa khona. Kwate kwefika kuphelelwa litsemba lekutsi nami ngalelinye lilanga ngitawusebenta. Kwefika lapho ngiyewuyofuna ematoho etitolo letitsengisa timphahla. Ngacashwa ngasebenta ngekwetsembeka.

Kwatsi ngemnyaka wesitsatfu kwaba ngulapho ngicashwa khona kutsi ngente umsebenti lengiwufundzele, kuba ngusonhlalakahle phela. Kwendlula kuto tonkhe letimo kwangifundzisa kubeketela. Lomuhla ngisebenta kahle nginemoto nelikhaya. Kubeketela ngiko lekungente ngaba kulelizinga lengikulo lomuhla. Kube akusiko kubeketela ngabe anqikho langikhona lomuhla.

3.4 Indzaba lehlangotsilunye (HL neFAL kuphela)

Tindzaba letihlangotsilunye tesekela nobe tipikise umbono lotsite. Tindzaba letihlangotsilunye tiveta umbono weluhlangotsi lunye, tivikele nobe tipikise lombono, tingantjintji titsatse loluye luhlangotsi. Endzabeni lehlangotsilunye, umbhali unembono nobe siphakamiso lesitsite lasiveta, asesekele abuye anike nebufakazi baso kute tetsamelilwati titsatse nobe tivumele umbono wakhe. Umbo wembhali kumele ucace kusukela ekucaleni kuze kufike ekugcineni kwendzaba, angagucuki kuwo. Siphetfo siveta ngalokusobala kutsi lobhalako umela luphi luhlangotsi sibuye sinike nesizatfu saloko. Loluhlobo Iwendzaba Iwetfula lokusengcondvweni yembhali lapho etama kuhhunga tetsamelilwati kutsi tivumelane nembono wakhe.

Ngentasi kunetihloko tetindzaba letihlangotsilunye letingahle tisetjentiswe:

- Kwephuta kwebafundzi kwenta ticelo tekuyewufundza etikhungweni temfundvo lephakeme emva kwamatekuletjeni, kubavimbela ematfuba ekuchubeka nemfundvo. Utsini umbono wakho?
- Live leNingizimu Afrika lingaba nekuthula nangabe lusha lungase luvunyelwe kutsi lutilawule. Vumela nobe uphikise lombono.
- Impumelelo ayikho emalini.

Cikelela loku lokulandzelako uma ubhala indzaba leveta umbono wembhali:

- indzaba kufanele icale ngekwetfula umbono wembhali ngesihloko njengobe unjalo ngendlela lehehako.
- Umbhali kufanele anike tinhlobo letibanti letehlukene tetiphakamiso kwesekela nekucacisa umbono wakhe.
- Umbhali ugcila emaphuzwini lesekela NOBE laphikisa sitatimende.
- Loluhlobo Iwendzaba Iwetfula lokusengcondvweni yembhali lubuye luvete imibono lebalulekile. Kufanele kusetjentiswe tinhlobo letehlukene telulwimi Iwebugagu nemasu ekuhhungako.
- Lulwimi lolusetjentiswako luvusa imiva futsi lungabuye luvete indlela lekutsatfawa ngayo imiva kepha kufanele lube nenloniph.
- Siphetfo kufanele sibe sitatimende lesinemandla, lesicacile nalesikholkwakako ngembono wembhali.

Sibonelo sendzaba leveta umbono wembhali/Hlangotsilunye

Kukhishwa kwemiphumela yamatikuletjeni emaphephandzaben.

Vumela nobe uphikise lombono.

Kukhishwa kwemiphumela yamatikuletjeni emaphephandzabeni nangabe umnyaka ucala yintfo leyetayelekile. Yetayelekile ngobe vele kuyatiwa kutsi kungaze kugujwe umkhosi wancibijane, imiphumela yamatikuletjeni isuke seyisemnyango. Ngaleti tikhatsi wonkhe umntfwana labebhala loluhlolo usuke asahlalelel etulu, babodywa lasebacala kondza ngobe kudla kungasangeni, babodywa labafisa kutsi bangabaleka itsi nayiphuma ingabatfoli emakhaya ngobe besabela kukhulnyelwa nekusolwa batali, babodywa labayilindze ngemehlo labovu ngobe bative babhale kahle sebatibona basetikhungweni temfundvo lephakeme. Nanobe kunjalo, akusiyo intfo lenhle kutsi imiphumela yenekelwe lonkhe live.

Kunebufakazi bekutsi linyenti lebafundzi bamatikuletjeni, indzaba yemiphumela yabo lefakwa emaphepheni liyitsatsa ngetindlela letehlukene. Ticabange unguomunye wabo, ligama lakho lingakaphumi ephephandzaben, buhlungu benhlitiyo nekutibona uyintfo lengenamsebenti kungakwenta ugcine utsatsa tincumo letitawenta utisole ngesikhatsi lesitako. Nabo-ke bafundzi bamatikuletjeni, babukana nesimo lesimatima.

Kunebantfwana labaphuma emakhaya laphuyile. Kuphumelela matikuletjeni kubo kusuke kufana nekucosha indvuku yembangandlala ekhaya. Batali basuke balindze ngalabovu ngobe basuke sebatitjela kutsi imphucuko isemnyango. Bafundzi labanjalo batsi nabangatiboni emaphephandzaben, linyenti labo likhetse kuyewutibulala. Kulabanye kuvuka kugula lebekungekho bermelwe tinhltiyo, bashone ngekungatiboni ephepheni. Letibonelo, tisho kona kutsi akusikuhle kweneka imiphumela yamatikuletjeni emaphepheni, ibonwe live lonkhe.

Lokusuke kube buhlungu kakhulu, kutsi Litiko Letemfundvo liyawenta emaphutsa. Kuyenteka kutsi kube liphutsa, ligama lemfundzi tsite lingaveli ephepheni kantsi lowo mfundzi uphumelele ngemalengiso. Funa loko kuvakala kantsi Batali sebaheti emantini ngemntfwana lokungenteka wehluleke kubukana nebemndeni, ahlekwe nabangani ngeligama lelibi lokungaphumeleli. Emaphutsa lafana nalawa awakavami kulungiseka ngobe kusuke sekulahleke umphefumulo ngentfo lencane, kungaliboni ligama lakho ephephandzaben. Kute kulungiseke loku, imiphumela yamatikuletjeni ayingakhishwa emaphephandzaben.

Kuyenteka ngalesinye sikhatsi bafundzi labangakaphumi emaphephandzaben, balahle litsema, babone ngati balahlwe ngumhlabo. Tinyenti-ke tintfo letingasikahle labangagcina bangene kuto. Labanye bakheta kutinikela etidzakamiveni imphilo yabo yonkhe, kute bahlale badzakiwe bangaboni lokwentekako ngabo. Labanye bakhetsa kuba tigebengu imphilo yabo yonkhe.

Umphumela waloko kube lijele. Labanye bakhetsa kwedvuka neliive, banhlanhlatse bangatiwa lapho baya khona ngobe betama kukweshisa indzaba yekwehluleka esikolweni. Labo lebesebanemaphupho ngelikusasa labo, batibona basemanyvesi, bakhets kuyewuhlala emigwacweni babe bondzingasitsebeni ngobe likusasa labo lishabalele. Tonkhe letinkinga, tingagwemeka ngekutsi Litiko Letemfundvo liyekete kukhipha imiphumela yeamatikuletjeni emaphephandzaben.

Umbono wami utsi, imiphumela yamatikuletjeni isekhatsi kwemtali, umntfwanakhe kanye nesikolo ngobe sikolo sidiale indzima yekufundzisa, umtali abekhokha tindleko tesikolo, kantsi umntfwana yena abefundza. Laba labatsatu ngibo lokufanele babone imiphumela kucala kubuye kube ngibo labangaba nelilungelo lekuvumela kutsi imiphumela ikhonjwe labanye. Lami lekugcina litsi, imiphumela yamatikuletjeni ayingasakhishwa emaphephandzaben.

3.5 Indzaba lenhlangotsimbili (HL neFAL kuphela)

Tindzaba letinhlangotsimbili atitsatsi hlangotsi futsi tihlose kuveta imibono yetinhlangotsi totimbili tetiphakamiso ngalokulunganako. Umbhali ucikelela tincenyi letehlukene tesihloko lesidzingidvwako bese wetfula imibono ngalokungakhetsi luhlangotsi. Umbhali angafinyelela esiphetfweni lesitsite ekugcineni kwendzaba kodvwa nayichubeka indzaba, tiphakamiso letesekelako naletiphikisako kufanele tetfulwe ngalokulunganako tibuye tihlatiywe ngalokucacile.

Ngentasi kunetihloko tetindzaba letiveta likamuva/limuva lembhali letingahle tisetjentiswe:

- Kuhlanganyela kwemacembu ebafundzi nakufundvwa njalo entsambama kunemtselela lomuhle nalomubi.
- Kufundza esikolweni ugadvwe ngemaphoyisa!
- Kuphumula umnyaka munye ungachubeki nemfundvo, emva kwamatekuletjeni kungaba nemtselela lomuhle nalomubi emphilweni.

Indzaba lengunhlangotsimbili nobe lebeka simo njengobe sinjalo ihlose kuni ka umcondvo lolingene wetinhlangotsi totimbili temibono. Umbhali unaka tinhlangotsi letinyenti tesihloko lekucocwa ngaso bese wetfula imibono lephikisanako ngalokuphelele nangalokulunganako. Umbhali angafinyelela esiphetfweni lesitsite ekugcineni kwendzaba yakhe kodvwa imibono levumako nalephikako kufanele yetfulwe ngalokulunganako ihlahlelewe ngalokucacile endzabeni.

Lapha umfundzi ucoca ngebuhle nangebubi bentfo letsite lanikwe yona esihlokweni. Unika emaphuzu lavumelana nesihloko nalaphikisana naso njengaleti:

Cikelela loku lokulandzelako nangabe ubhala indzaba lengunhlangotsimbili:

- Umbhali kumele avisise sihloko abuye akwati kuveta totimbili tinhlangotsi tembono ngalokuphelele nangalokunelwati lolugcwele.
- Umbhalo kufanele ucace, uvakakale ungatsatsi luu langotsi. Kufanele kwetfulwe titatimende letizotsile, leticatjangisisiwe naletesekelwe kahle.
- Umoya kumele ungatsikameti imiva kodvwa wenelise ngaphandle kwekutikhukhumeta.
- Umbhali angakhombisa umbono wakhe ekugcineni kwendzaba kodvwa loku kumele akwente kuperha esiphetfweni.

Nasi sibonelo sendzaba lenhlangotsimbili/Mbacambili/Leveta simo njengobe sinjalo

Buhle nebubi bekutsi batali bakhetselle bantfwana babo tifundvo lekumele batente etikhungweni temfundvo lephakeme

Bantfwana bangumliba loya embili. Nangabe bakhuliseke kahle, babuye batfola teluleko letingito, mancane kakhulu ematfuba ekutsi bangaphambuka endleleni. Lokufanele bakuvisise kutsi indlela ibutwa kulabasembili, kepha loko akuniki ligunya lekutsi bakhetselle loko labafuna kukwenta ngetifundvo tabo kanye nelikusasa labo.

Linyenti lebatali linguloku lelingiko ngoba liyihambile indlela yekufundza etikhungweni letiphakeme. Liyayati imigomo lekfanele ilandzelwe, kepha ngetulu kwaloko, bantfwana banelilungelo lekutikhetsela labafuna kukufundzela etikhungweni temfundvo lephakeme ngobe loko kutawuba yimphilo yabo yonkhe. Ngakulolunye luu langotsi batali basesimeni lesikahle sekutsi bangakhetsela bantfwababo tifundvo kanye nemikhakha labangayilandzela enyuvesi ngoba bati simo semnotfo welive kanye naleso sekutfolo umsebenti nangabe sebacedzile kufundza.

Lokubi ngekukhetselwa tifundvo kutsi umntfwana kungenteka alandzele umkhakha lofunwa ngumtali yena abe angawutsandzi. Nanobe kunjalo, labanye bantfwana bayatimisela, baphumelele ngemalengiso. Kuyenteka kutsi ekugcineni bawutfole nalowo msebenti batali lebebefise kutsi bawente kodvwa bangabi nekujabula imphilo yabo yonkhe ngobe bekungesiwo umsebenti lebebefise kuwenta etimphilweni tabo. Lokune lokungenteka kutsi bantfwana bangayekela umsebenti, babe bondzingasitsebeni nobe bagcine batibulele ngobe bangenakujabula. Nangabe bakhetselle kuchubeka ngekusebenta, bangasebenti ngekutimisela lokuphelele. Loko lokungenteka kutsi batali baqcine ngekutisola.

Etikhatsini letinyenti batali nabothishela bayakujabulela kutsi bantfwana babe nelikusasa lelichakatile. Nanobe kunjalo, kuhetselle bantfwana tifundvo lekfanele bayotenta etikhungweni temfundvo lephakeme akusyo intfo lenhle ngobe loku kungenteka kutsi bantfwana bangabe basakhutsala etifundvweni tabo bagcine bayekele kufundza ngobe bangasiboni sidzingo sekwenta tifundvo labangatitsandzi.

Batali akufanelanga baphocelele bantfwababo kutsi bente tifundvo letitsandywa ngibo. Bantfwana banemaphupho abo, futsi bayabati butsakatsaka babo ngetifundvo letitsite. Kuyenteka kutsi umtali aphocelele umntfwanakhe kutsi ente tifundvo tebukotela kantsi umntfwana yena beka funa kuba ngunjiniyela. Umntfwana kungenteka angaphumeleli bese kuba nemphumela lomubi emphilweni yakhe. Ngaleyondlela batali bayobe balahlekelwe yimali lenyenti futsi nelikusasa lalowomntfwana liyobe lifiphele.

Lokuhle ngekutsi batali bakhetselle bantfwana tifundvo nemikhakha lokufanele bayilandzele kutsi, bona banelwatinchanti ngetifundvo letinemakhono jikelele lafunwa nguhulumende. Phela Loku kungenteka kutsi kunciphe bantfwana labatsi bangacedza bese beswela imisebenti futsi kungababeka etfubeni lekutsi batakhele bona imisebenti kunekulindza kutsi bacashwe. Batali-ke bajatjuliswa kutsi nabo babanzakanywe ikakhulukati etintfweni letimayelana nelikusasa lebantfwababo. Kubambisana kwebatali nabothishela ekusiteni bantfwana kutsi bakhetselle tifundvo tabo kungaba nemphumela lomuhle neligalelo lelikhulu futsi kungenteka bantfwana bavisise ncono imbangela yekutsi bente tifundvo letitsite. Loku kungenteka kutsi umntfwana akujabulele kufundza ngobe avisisa kutsi wenta letifundvo latentako ngobe ahlose kuba yini emphilweni yakhe.

Batali batsandza kutsi batigcabhe ngebantfwababo lokungabenta batishaye sifuba ngekutsi bantfwana baphumelele nje, ngenca yabo. Ngakulolunye luhlangotsi, bantfwana nabo bakubona kuyindlela yekukhombisa kukhula kwabo kutsi batikhetsel labakufunako. Lokubalulekile kutsi batali nebantfwana kufanele babonisane, umntfwana akhetse, umtali anike lusito lapho kufanele khona kepha angabi nguvi lakhe. Nakungaba nelubanjiswano emkhatsini wemtali, umfundzisi nemntfwana, live leNingizimu Afrika lingatfutfuka ngekukhicit bafundzi labanemakhono ngekwemikhakha leyehlukene.

Caphela:

Nanobe tinhlobo letehlukene tetindzaba tibukeka njengaletitmele, imphendvulo yemntfwana ingaba yinhlanganisela yaletinhlobo letehlukene tetindzaba. Kufanele kucashelwe kutsi sihloko sinye singahle sititfole singene etinhlotjeni letehlukene tetindzaba.

Lapha ngentasi, bona umfanekiso wendlela sihloko sinye lesingahunyushwa ngayo sibe yindzaba lechazako nobe leveta likamuva/limuva lembhali.

Kuchaza kumelene Nekuveta likamuva/limuva

Sihloko (Imphilo leyengca)	Kuchaza	Kuveta likamuva/limuva
Lilanga lami lekucala esikolweni semabanga laphakeme	Simo sendzawo lapho abekhona. (sikolo, emaklesi, bafundzisi, bafundzi, imisindvo), kulabo lakhuluma nabo, lawkenta nobe latjelwa kutsi akwente.	Indela lativa ngayo ngaleso sikhatsi, lakufundza ngemphilo yangalelolanga, latitfola angakakwenti, imicabango labenayo ngesikolo semabanga laphakeme, wayicinisekisa yini imicabango yakhe, emakhono lebekufanele awatfutfukise nobe lawatfolile kute afaneleke kuba kulesimo lesisha lakuso.

4. EMATHEKSTHI EMIBHALOMBIKO LEMIDZE

Ematheksthi emibhalombiko angaba yimphendvulo nobe kucalisa imphendvulo. Njengoba sekushiwo, lamatheksthi amibhalombiko. Sibonelo, incwadzi yekuhalalisa kungenteka iphendvulwe, njengoba nenkhlumo ingenta tetsamelilwati tiheheke nobe tikhombise kungavumelani nayo.

BUDZE BEMATHEKSTHI EMIBHALOMBIKO LEMIDZE, LOKUFANELE IKHICITWE:

Lizinga	Libanga 10	Libanga 11	Libanga 12
HL	• Emagama la-100 –120	• Emagama la-100-120	• Emagama la-100 –120
FAL	• Emagama la- 80 - 100	• Emagama la-80-100	• Emagama la-80 – 100
SAL	• Emagama la- 80–100	• Emagama la-80–100	• Emagama la-80 – 100

Ematheksthi lehlukene emibhalombiko entelwe kwendlulisela tetsamelilwati letikhetskile umlayeto lotsite ngenhoso yekuphendvula loko lebekufuneka. Nakubhalwa lemibhalombiko, kubalulekile kutsi kulandzelwe indlela yekubhala lokuchubekako. Kudzingekile kutsi inchubo yekubhala ivele ebaleni. Kuhlela kabusha umbhalo nekulungisa emaphutsa kufanele kwentiwe ngenhoso yekwetfula umkhicito wekugcina lomuhle nalolandzelekako.

Lokumele kwentiwe nakufundziswa ematheksthi emibhalombiko:

(a) kuhlela / kulungiselela kubhala

Umfundzisi kufanele:

- acale ngekunika bafundzi tihloko letehlukene.
- Abafundzise ngenhoso netetsmelilwati tetheksthi lokumele ibhalwe.
- Afundzise ngemigomo yesakhiwo, sitayela nendzima yembali. Bafundzi kufanele babbale loku labafisa kubhala ngako ngesihloko labanikwe sona.
- Abanikwe sikhatsi lesibekelwe kubhala lomsebenti.
- Akabafundzise ngemitfombolwati lehlukene lokufanele kutsi bayisebentise kutfola lwati.
- Abafundzise kufuna lwati labangasalukhumbuli ebanganini/ emndenini.
- Abafundzise kubhala ngekukhululeka, bangatsikanyetwa ngemaphutsa labangahle bawente ngoba batawutfolo sikhatsi sekuwalungisa.

(b) Kuhlela:

Umfundzisi angabafundzisa loku lokulandzelako:

- Kusebentisa imibono lemcoka ngalokunembako.
- Kukhetsa emagama nekusebentisa emagama lachazako, imishwana, nelulwimi lolucolisakele.
- Kukhetsa emagama nesitayela lokutawuhambisana kahle neliphimbo netetsamelilwati.
- Kufaka yonkhe imininingwane lebalulekile naledzingekako etheksthini lekhetsiwe.

(c) Kubuyeketa, kuhlela kabusha umbhalo, kulungisa emaphutsa nekwetfula umkhicito wekugcina:

Umfundzisi angabafundzisa loku lokulandzelako:

- Kulungisa kukhetfa kwemagama, takhiwo temisho netindzima ngekfaka lwati lolwenetiwe, nekusebentisa emagama lafanele nalahambisanako.
- Kugwema kuchaza lokungadzingeki, sihumusha nelulwimi lolutsintsa imiva.
- Kuhlola lokumumetfwe yithekshti, sitayela nerejista.
- Kususa emagama, imisho netindzima lengevakali.
- Kusebentisa timphawu tekubhala nekufundza, sipelingi lesifanele neluhlelo ngalokufanele nangalokwenembako.

4.1 INCWADZI YEBUNGANI

Kunetinhlobo letehlukene tetincwadzi tebungani njenganati letilandzelako:

- Incwadzi yesicelo

- Incwadzi yesikhalo
- Incwadzi yekuvvelana
- Incwadzi yekuhalalisela
- Incwadzi yekubonga

Lokucuketfwe yincwadzi/sitayela

- Iyevakala futsi icondze ngco
- Ayisiyindze futsi ishaya emhlolweni
- Iyahlonipha futsi icuketse lwati lolufanele
- Ayisebentisi sidolobha nelulwimi nje
- Ayisebentisi emagama lafinyetiwe

Tindlela tekufundzisa incwadzi yebungani:

Umfundzisi kufanele afundzise kutsi:

- Ibhalelwu umuntfu lowatiwako njengemngani, umtali, sihlobo, njll.
- Yakhwa singeniso, umtimba nesiphetfo
- Iba nelikheli linye lalobhalako, lelibhalwa esandleni sekudla
- Likheli liba nelusuku lolubhalwe ngeSiswati, sib. Bhimbidvwane/ Inhlaba/ Inyoni, njll.
- Indzima ngayinye ayimumatse umcondvo munye.
- Iba nesivaleliso lesikhombisa buhlobo emkhatsini walobhalako nalobhalelwako.

Tindlela tekubingeleta

Kubingeleta kungaveta indlela lobhalako nalobhalelwako labetayelene ngayo, sib.

- Mnguni, Bhambolunye, Jobe njll
- Mandla, Lungile, Lomalungelo, Mniganami njll
- Make, Gogo, Mzala, Babe, Mshana njll

Tindlela tekuvalelisa

Sivaleliso kufanele sikhombise buhlobo emkhatsini walobhalako nalobhalelwako, sib.

- Ngimi indvodzakati yakho, umshana wakho, njll
- Ngimi umnganakho,

CAPHELA:

Sivaleliso asifakwa sibongo.

Incwadzi ayisayinwa.

SIBONELO SENCWADZI YEBUNGANI

Bhalela umngani wakho incwadzi, ummeme emcimbini wemshado wadzadzewenu.

Bantwabetfu High School

P.O. BOX 54

Elukwati

25 Mabasa 2007

Lindiwe

Ngiyatsema uyaphila njengobe nami ngiphilile.

Ngibhala lencwadzi nje ngobe ngihlose kukumema kutsi ube khona emshadweni wadzadzewetu Thobile lotawube ashada nelijaha lakaMsweli lalapha eLohiya. Lomcimbi utawuba ngaKholwane mhlazana tilishumi Ngemgcibelo kuwo lomnyaka, ngelihora lelishumi ekuseni.

Umcimbi utawucala lapha esontfweni lemaKhatholika lapho tifungo tamafasilahlane titawentelwa khona. Emvakwaloko, kutawuyiwa ehholeni lemmango khona lapha Elukwatini. Entsambama kutakuyiwa eBhadini kuyekutsatfwा titfombe. Ungatihluphi ngekufuna kwekuhamba ngobe sicashe timoti takanokusho lesitatisebentisa ekwenteni nasekuchubeni wonkhe lomcibi. Nasesibuyile eBhadini, kusihlwa kutakuba nendumezulu wemcimbi kwemukelwa makoti, khona lapha ehholeni lemmango. Kutawutsi emvakwaliko, kutawuba netoso letibhicwe netinatfo.

BoSigegegde batawujabula kakhulu nawungaba khona kulomcimbi wendvodzakati yabo. Usite tsine unga tise kusenesikhatsi.

Bakhonte bonkhe ekhaya.

Umnganakho,

Khetsiwe.

Lesinye sibonelo sencwadzi yebungani lebhalelwa kuhalalisa

Dindela Township

P.O.BOX 50

Barberton

1300

25 Inyoni 2007

Lobuhle

Ngiyatsema uyaphila njengobe nami ngiphilile. Phela kufanele wati kutsi kujabula kwakho kujabula kwami futsi.

Ngibhala lencwadzi nje ngobe ngivile kwekutsi sewutfole umsebenti wekuba ngumhlengikati lapha esibhedlela saseMjindini. Ngiyahuhalisela Malindi, ngitsi halala! Kufanele ngikuhalalisele Malindi ngobe kunini wacedza kufundzela buhlengikati solo uhleti ekhaya kutsiwa kute umsebenti ngendzaba yekwehla kwemandla emnotfo!

Ekukuhaliseleni kwami, ase ngibonge nebatali bakho ekukufundziseni kanye nekutsi bakhone kukubeketelela ngalesikhatsi ubukene nalensweleko bewunayo. Uwuhloniphe umsebenti, wehlukane nengubo ngobe yona ayinamali. Kutfola umsebenti lomuhlaligolide nelisiliva. Utiphatse kahle tigulane! Ungatikhohlwa tifungo lowatifunga embikwabo bonkhe bantfu mhlazana wetfweswa ticu, nami futsi bengikhona ngalelo langa. Usite tsine ubhale ligama lakho enhlitiyweni yalowo nalowo lotsintsana naye kuleso sibhedlela. Ngiyakwetsema Lindiwe futsi ngiyati kutsi utakwenta loku lengikufisela kona.

Ngiyaphindza futsi ngitsi “Halala Lindi!”

Ubambe kucine-ke mngannami ngobe umsebenti udzinga kutimisela nebucotfo.

Umnganakho,

Nosimo

1.2 KUBHALA INCWADZI YEMTSETFO / YEMBUSO

Kunetinhlobo letehlukene tetincwadzi temtsetfo njenganati letilandzelako:

- Incwadzimbiko > lapho ubika lokutsite lokufuna sisombululo.
- Incwadzi yekutsenga > utsenga lokutsite ngeliposi.
- Yekucela umsebenti > nawucela umsebenti ndzaweni tsite.
- Yekubeka umbono > nawuphawula ubeka umbono longasita emmangweni.
- Leya kumhleli > nawubeka lokutsite ephephandzabeni.

Lokucuketfwe yincwadzi/sitayela

Lena yincwadzi lengayi esihlotjeni nobe emnganini. Yincwadzi lebhalelwa timongcondvo letehlukene, ibhalwa ngendlela leyehlukile. Ingabhalelwa baphatsi, emaTiko, imisakato, emaphephandzaba, umbuso njalonjalo.

- Icondze ngco.
- Iyahlonipha futsi icuketse lwati lolufanele
- Isebentisa lulwimi loluhlelekile lokuhambisana nesimongcondvo.
- Ayisebentisi emagama lafinyetiwe

Tindlela tekufundzisa incwadzi yemtsetfo:

Umfundzisi kufanele afundzise kutsi:

- Ibhalelwa umuntfu lohloniphekile nobe lophetse sikhundla lesitsite.
- Yakhiwa singeniso, umtimba nesiphetfo
- Iba nemakheli lamabili, lekucala lalobhalako, lelibhalwa esandleni sekudla, lesibili lalapho incwadzi iya khona, lelibhalwa esandleni sesencele.
- Likheli lekucala liba nelusuku lolubhalwe ngeSiswati, sib. Bhimbidvwane/Inhlaba/Inyoni, njll.
- Likheli lesibili liba nesikhundla salowo lotawufundza lencwadzi, sib. Mphatsisikolo/ Sonhlalakahle/ Mphatsisiteshi, njll
- Iba nesihloko sendzaba lokutawukhulunywa ngayo ngaphansi kwesibingelelo.
- Kweciwa imigca kuko konkhe lokubhalwako, netindzima tehlukaniswa yimigca.
- Indzima ngayinye ayimumatse umcondvo munye.
- Lobhalako usebentisa inkulumo letfobekile, asebentise nelulwimi/ irejista lefanele.

Tindlela tekubingelela

Iba nesibingelelo lesihlelekile lesihambisana nesimongcondvo lesitsite, sib.

- Mnumzane/
- Nkhosatana/
- Nkhosikati, njll.

Tindlela tekuvalelisa

- Iba nesivaleliso lesihlelekile lesiphatselene nalokubhalwa ngako, lesingesiso siphetfo.
- Iba nesiphetfo lesihloniphako lesifaka sibongo, sib.

Ngimi lotitfobako

Mphikeleli Zwane (Mnu.)

Caphela:

Atikho tiphumuti kuto tonkhe tinhlobo tetincwadzi letingenhla.

Sibonelo sencwadzi lecela umsebenti

P.O. BOX 123

Elukwatini

1192

25 Inyoni 2018

Mphatsisitolo

Checkers Supermarket

11 Sibiya Street

Carolina

1180

Mnumzane / Nkhosikati

SICELO SEMSEBENTI WEKUBA NGUMCWANINGIMABHUKU

Ephepheni Livi Lebantfu' lamhlazana ti-16 kuyo lenyanga yeNyoni, ngibone kutsi kunesikhala semsebenti wemcwaningimabhuku lapho esitolo sakho. Nami ngicela kufaka sicelo salomsebenti.

Ngiyintfombi leneminyaka lengemashumi lamabili budzala. Ngacedza libanga lelishumi nakubili lapha esikolweni semfundvo lephakeme iNgabezweni lesilapha eBhadini. Ngaphumelela ngemalengiso, ngabe sengiyewufundzela Temnotfo Nekuphatfwa Kwemabhuku emabhizinisi iminyaka lemine enyuvesi yaKaZulu. Nakhona ngaphumelela ngelicophelo lelisetulu impela ekupheleni kwa-2004. Tilwimi lengitikhuma kahle Siswati, Sibhunu neSingisi.

Njengesichibiyelo salencwadzi, ngifake tincwadzi letingifikazelako kuko konkhe lengikubhalile kulencwadzimsebenti yami. Ngifake tonkhe titifiki tami, incwadzibufakazi lengayinikwa nguthishelanhloko waseNgabezweni, Dkt.T. Z. Zwane lonamakhalekhukhwini lotsi 083 456 0813 kanye nencwadzibufakazi yemphatsi wenyuvesi yaKaZulu Pholofesa M. Nyandzeni lonamakhalekhukhwini lotsi 086 203 7804.

Ngiyetsema utakuba nemusa neluvelo kulesicelo sami.

Ngiyabonga.

Ngimi lotifobako

Lomthandazo Sibeko. (072 860 4239), i-imeyli sibeko@erm.co.za

INCWADZI LEYA KUMHLELI WELIPHEPHANDZABA

Incwadzi leya kumhleli iyafana nencwadzi yekucela usebenti umehluko kutsi yona igcila entfweni letsite lekufanele kucikelelwe. Lena yincwadzi:-

- Ieyatisa umhleli ngentfo letsite
- Lenika imininingwane letsite kute yatiwe ngummango
- Kungenteka ikhonondze ngalokutsite. Kuyavama kutsi setsamelilwati sibe nesikhalo, sisikhiphele ebaleni nobe sisicondzise lapho kufanele siye khona. Inhoso kusuke kukuvula labaphetse emehlo kutsi bati tikhalo temmango kute betame kulungisa loko lokungakalungi ngekushesha kwetama kuvimbela imibhikisho leminyenti leyentiwa ngummango. Kulesinye sikhatsi ummango usuke wentiwa kutsi labaphetse bangaphendvuli tikhalo tebantu ngalokufanele nobe ngekushesha.
- Lebuta bafundzi beliphephandzaba ngalokutsite, ngakulolunye luhlangotsi ibe icondziswe kumhleli.

Lobhala loluhlobo lwencwadzi kufanele acikelele loku lokulandzelako:

- Incwadzi icondza kumhleli. Nanobe angaphendvula lokutsite lokuvele ephephandzabeni, kodvwa yona isuke icondze ngco kuye.
- Liphephandzaba letama konga sikhala, ngaloko lobhalako kufanele acondze ngco kulafuna kukusho, angatsemeleti.
- Kwetama kugwema kucabanisa ummango, liphephandzaba likhutsata lobhalako kutsi asebentise lulwimi lolwemukelekile, agweme lolo loluyinhlamba.
- Lobhalako kufanele afake likheli lakhe leliphelele, ligama lakhe nesibongo. Nangabe angafuni kutsi libito lakhe latiwe, uyasho kutsi ibhalwe ngumuntfu longatiwa, nobe abhale ligama latiphe lona lelingesilo lakhe ngempela.
- Sihloko sendzaba angatibhalela yena, kodvwa umhleli angasigucula asisebentise ngendlela lafuna ngayo.
- Lobhalile kufanele ayisayine incwadzi yakhe kwentela kutsi liphephandzaba lingangeni enkingeni
- Kugceka ngekwakha kuyindlela lesjetjentiswa kahle kakhulu kuloluhlobo lwencwadzi.
- Ayitsatsi hlangotsi

Sibonelo sencwadzi leya kumhleli weliphephandzaba

Ligugu Secondary School

79 Made Street

Dondonald

2361

27 Inhlaba 2018

Mhleli Weliphephandzaba

Liso Lesive

P O Box 890

Mayflower

1260

Mnumzane / Nkhosatana / Nkhosikati

Budlabha lobusedolobheni lakitsi

Ngisakhamuti lesidzala salapha emtini waseDondoni. Ngibone kukuhle kwekutsi ngibhalele Liso Lesive ngibeke umbono wami ngesimo sebudlabha lelidolobha leliphethfwe ngabo.

Umbono wekucala, indlela imigwaco lengiyo kulamalanga. Akusiyo ngisho nemisele, kepha imigodzi lemikhulu kusukela kwaba khona leya ndambi yemnyaka we-2017. Timoto atisahambi solo tema emagalaji nebantu sebete tindlela tekuhamba ngetinyawo. Ngikhulumu nje sebalishumi bantu lesebaphukile ngoba batsi bazama kuzubela ngesheya. Nalina tindlela tiphendvuka imifula lemikhulu, sesesaba nekutsi bantu sebatakwemuka. Tindlu tilengela emaweni, nobe ngabe yini ingenteka kuto.

Imfucufucu ngiyo lekubingelelako useta khashane lapha. Ingabutfwa njani kute imigwaco! Akuliphunga kufa! Timphungane, timbuzulwane kanye nemiyane kugya kugiyile. Lesimo semphilo lesibucayi sesidale tifo letehlukahlukene kulelidolobha, nasemfolamphilo abasati kutsi bangentani.

Emaphayiphi emanti aphuka kadzeni. Imithoyi yasetindlini yagcina ngaNowa kusetjentiswa, sesisitwa nguletindlwana letilapha ngaphandle, nanobe nato tigcwele timphungane.

Ngiyabonga.

Lotifobako,

O.V. Ngwenya.

	Incwadzi yebungani	Incwadzi yemtsetfo
Tetsamelilwati	<ul style="list-style-type: none"> Kubhalela umngani nobe lilunga lemndeni. Lulwimi neliphimbo alihlelekile, likhombisa bungani nobe buhlobo. Nanobe ingaba neliphimbo lekucocisana kovwa sihumusha asikavumeleki. 	<ul style="list-style-type: none"> Kubhalela umuntfu lokungenteka kutsi awumati nobe lokungenteka umati ngekwesikhundla lesitsite lasiphetse (Kuhlonipheka). Lulwimi neliphimbo lihlelekile, likhombisa inhlonipho. Titfobe ngaso sonkhe sikhatsi.
Inhoso	<ul style="list-style-type: none"> Kuchumana nemuntfu lowatana naye nobe lohlobene naye. Kunika Iwati nekutfuna Iwati ngetintfo letibalulekile, sib. Tindzaba temndeni, kwabelana ngetindzaba nobe kuhleba, kuhalalisa nobe kwendlulisa kuvelana 	<ul style="list-style-type: none"> Kucaka sicelo semsebenti. Kunika umbono wakho ngalokungakuphatsi kahle. Kukhonondza. Kucela Iwati, njll
Sakhiwo	<ul style="list-style-type: none"> Faka likheli lelinelilanga lobhale ngalo. Sibingeleo siba ngulesihlelekile lesisebentisa libito nobe libito leletayelekile lalobhalelwako, sib. Gogo, Zanele, Mkholo, njll. Sivaleliso siba ngulesingakahleleki, sib. Ngimi umgani wakho lomkhulu, Ngimi umshana wakho lomtsandzako, njll 	<ul style="list-style-type: none"> Faka likheli nelilanga lobhale ngalo. Faka likheli lalobhalelwako. Sibingeleo sihlelekile, Mnumzane/ Nkhosikati/ Nkhosatane, njll. Faka sihloko. Sivaleliso sihlelekile, sib. Ngimi lotifobako. Faka emagama alothalako nesibongo Sayina incwadzi yakho.
Lokucuketfwe	<ul style="list-style-type: none"> Sihloko nobe umbuto utakutjela kutsi yini lokufanele ubhale ngako (lokucuketfwe). Hlela indzima lesingeniso, emaphuzu lamcoka bese uhlela loko lofuna kukusho. 	<ul style="list-style-type: none"> Sihloko nobe umbuto utakutjela kutsi yini lokufanele ubhale ngako (lokucuketfwe). Hlela indzima lesingeniso, emaphuzu lamcoka bese uhlela loko lofuna kukusho. Kwenta tiphakamisa nobe ubeke emaphuzu alokhulumu ngako ngekulandzelana kubalulekile futsi kwenta lokushoko kube nesisindvo. Ibe yimfisha ingatsemeleti.

4.3 UMLANDVOMPHILO NENCWADZI LECHAZAKO:

Umlandvomphilo ngumbhalo lapho umbhali atefula nobe atatisa khona esiveni nobe emhlabeni wonkhe jikelele. Umlandvomphilo kufanele wetfule bunguwe bembhali. Ucuketse yonkhe imininingwane yakhe ngalokucacile, ngalokungatsatsi hlangotsi nangalokufisha. Iveta imphilo yembhali kusukela acala sikolo aze abe kulesigaba lakuso nako konkhe lahlabene ngako. Ifaka imininingwane yebantu labangatsintwa nangabe kufuneka emaciniso/ bufakazi balokubhaliwe ngembhali. Umlandvomphilo usetjentiswa nangabe umbhali enta sicelo semsebenti ngenhoso yekutatisa nekutichaza kute umcashi amati.

Ngentasi kunemininingwane lefanele ivetwe nangabe kubhalwa umlandvomphilo:

Imininingwane ngalobhalako

- Sibongo,
- Emagama akhe laphelele
- Lusuku lwekutalwa
- Inombolo yamatisi
- Budzala
- Bulili
- Buve
- Inkholo
- Lulwimi lalikhulumako
- Letinye tilwimi latikhulumako
- Likheli lalapho ahlala khona
- Likheli lalapho asebenta khona (nangabe asebenta)
- Inombolo yelucingo lwasekhaya
- Inombolo yelucingo lwalapho asebenta khona (nangabe asebenta)
- Tiombolo takhe tabomakhalekhikhini (nangabe analabangetulu kwamunye)
- Likheli lakhe le-imeyili

Imfundvo yalobhalako:

- Tikolo lafundza kuto, (emabanga laphasi nalasetulu)

Titifiketi lanato

Iminyaka latitfole ngayo

- Tikhungo temfundvo lephakeme lafundze kuto

Ticu lanato

Iminyaka latitfole ngayo

LWATI LWEMSEBENTI

- Lwatinchanti lanalo,
- Imisebenti layisebentile
- Tikhundla labetibambile,
- Tizatfu tekushiya phasi njll.

TINDLELA TEKUCHITSA SITUNGE

- Indlela lacitsa ngayo situnge
- Imidlalo layitsandzako
- Tikhungo latibandzakanya nato
- Lokunye kwekutijabulisa lakwentako,

EBUFAKAZI NGEMPHILO YAMI

- Emagama netibongo tebantfu labangatsintfwa kucinisekisa kutsi lemininingwane lenikiwe iliciniso.
- Indlela lahlobene nabo ngayo
- Tikhundla tabo
- Emakheli abo
- Tinombolo tabo tetincingo

SIBONELO SEMLANDVOMPHILO

UMLANDVOMPHILO WATHANDI MASEKO

AIMINININGWANEMNIKATI

Sibongo	:	Maseko
Libito	:	Thandi
Bulili	:	Lomsikati
Kushada	:	Ngishadile
Tekushayela	:	Khodi 8
Inkholo	:	Ngingumkhatholika
Inombolo Yamatisi	:	6708086261086
Likheli Lasekhaya	:	12 Madala White River 1240
Likheli Lasekhaya	:	Box 670 White River 1240
Lucingo Lwasekhaya	:	013-7552500
Makhalekhikhini	:	0724846002
Simo Semphilo	:	Ngiphilile

TEMFUNDVO

Imfundvo Lephasi : Lamagadlela School
Imfundvo Lephakeme : Lilanga High
Tifundvo Letiphasiwe : Siswati, Singisi, Isayensi, Tibalo,
Inyuvesi : BA UNISA
Tifundvo : Siswati, Education, Tibalo, Isayensi, English

LWATINCHANTI LWEMSEBENTI

Ngilandi Secondary : 1984 -1990
Mandlesive Secondary : 1990 – 2009

D TEKUCITSA SITUNGE

Libhola Letandla
Kubukela Mabonakhashane

BOFAKAZI

1. Mnz. Z. B. Khumalo (Meninjeli Weliposi LaseNasipoti)
Lucingo: 0724864656
2. Mnz. K.H. Thwala (Thishelanhloko WaseMandlesive)
Lucingo : 0824613357

INCWADZI LECHAZAKO:

Incwadzi lechazako, lehambisana nemlandvomphilo, iyafana nencwadzi yesicelo semsebenti lechazwe ngenhla. Lokwehlukile kutsi incwadzi lechazako yimfisha kunekekucela umsebenti ngoba ayifaki imininingwane leminyenti. Khumbula kutsi imininingwane ifake lapha ngenhla nakubhalwa umlandvomphilo.

Sibonelo sencwadzi lechazako, lehambisana nemlandvomphilo

Thandi Maseko

P. O. BOX 670

White River

1214

072 484 6002

09 Bhimbidvwane 2015

Mphatsisitolo

Gumbagumba Supermarket

25 Mabuza Street

Dindela

1700

Mnumzane/Nkhosikati/Nkhosatana

SICELO SEMSEBENTI WEKUSHAYA UMSHINI (Ref: TL/1278/2013).

Mine Thandi Maseko ngibone satiso lesifikwe ephepheni 'Umbono Wesive' lamhlazana ti-19 Ingongoni 2013 lesitsi kufuneka umuntfu lotawushaya ushini esitolo senu. Ngibone kutsi ngifanele kuwenta lomsebenti ngoba ngenta tifundvo letiphatselene nekusebentisa ngcondvomshini kanye nekusebenta ngetimali.

Ngingumuntu lokhutsele futsi longawesabi umsebenti lomatima. Nginalo likhono lekusebenta nebantfu labehlukene. Ngifake umlandvomphilo wami kute nibone imininingwane lephelele ngemphilo yami kanye neticu tami.

Ningachumana nami kulanombolo yelucingo noma i-imeyili lengenhlia.

Ngimi lotifobako

T. Maseko (t.maseko@gmail.com)

4.4 UMLANDVOMUFI

Nakubhalwa umlandvomufi kufakwa loku lokulandzelako:

- Sihloko, lesiba nemagama emufi laphelele nesibongo sakhe, sib. Umlandvomufi waMzekezeke Mhlanga, njll.
- Uhleleke ngekulandzelana kwemphilo yakhe.
- Lusuku latelwe ngalo, nendzawo latalelw kuyo.
- Batali bakhe, labaphilako nalesebashona.
- Imfundvo yemabanga laphasi.
- Imfundvo lephakeme.
- Temisebenti
- Tikhundla labetibamble.

- Ligalelo lalifake emmangweni (nangabe likhona)
- Kugula kwakhe nekushona kwakhe (lusuku lashone ngalo)
- Labashiya emhlabeni.
- Kumvalelisa.

CAPHELA:

Umlandvomufi ubhalwa ngendlela yemuntfu wesitsatfu, (lokukhulunywa ngaye). Khumbula kutsi lona lokubhalwa ngaye akasekho emhlabeni. **Akukavunyelwa kutsi nakubhalwa umlandvomufi, umufi atikhulumele ngoba usuke asashonile, sib.** Mine Mzekezeke Mhlanga, ngatalwa mhla/ Mngani wami ngihlabelele/ makhelwane batjele kutsi besihlalisene njani, njll.

Sibonelo semlandvomufi

Umlandvomufi waMnumzane Mzekezeke Mhlanga

Umufi watalwa tingemashumi lamabili kuBhimbidvwane ngemnyaka we-1956 eSoweto.

Wacala kufundza esikolweni semabanga laphasi eMdzimba lapho aphotfula khona tifundvo telibanga lesitfupha ngemnyaka we-1970.

Wachubekela esikolweni semabanga laphakeme eSimtfolile lapho aphotfula khona tifundvo takhe tamatikuletjeni ngemnyaka we-1976. Waphasa Tibalo neSayensi ngemalengiso waze wanikwa umfundzate Litiko Letemfundvo

Wachubeka nemfundvo yakhe waphotfula tifundvo takhe tebuthishela ekolishi laseMango ngemnyaka wa-1979.

Wacala kufundzisa esikolweni semabanga laphasi iNkhanini ngemnyaka we-1980 lapho abelucucudvu lwathishela.

Ngemnyaka wa-1989 wakhushulelw esikhundleni sekuba nguthishelanhloko eLugebhuta.

Usishiye emhlabeni ngemuva kwekugula sikhashana mhlazana tingemashumi lamatsatfu kuLweti kulomnyaka losetulu. Ushiya emhlabeni umkakhe nebantfwana labasitfupha. Shangatsi umphefumulo wakhe ungalala ngekuthula. Khabako!

4.5 I- AJENDA NEMAMINITHI EMHLANGANO

Njengemfundzi, ufanele ukwati kubhala i-ajenda nemaminithi ayo yonkhe imihlangano lehlelekile ngekwehlukana kwayo.

I- ajenda

I-ajenda iluhlelo lolusetjentiswa nangabe kunemhlangano, lolwenta kutsi umhlangano uhambe ngendlela lelandzela luhlelo lolutsite. I-ajenda ikhishwa njalo ihambisana nesimemo semhlangano. Ifaka tonkhetihlokwanalekutawukhulunywa ngato. Yentelwe kutsi wonkhe umuntfu lota emhlanganweni abe ati lokutawukhulunywa ngako nekutsi atilungiselele kusenesikhatsi. I- ajenda ifaka ekhatsi indzawo lapho umhlangano utawube ubanjelwe khona, lusuku nesikhatsi lekutawuhlanganwa ngaso. Iba ngumsuka wekubhalwa kwemaminithi emhlangano ibuye ishiyele emalunga litfuba lekwengeta lokutsite lokungadzingidvwa ngako. I-ajenda iyahambisana nemaminithi emhlangano.

Sibonelo se-ajenda

KUMENYWA EMALUNGA EMTIMBA WEBAFUNDZI EMHLANGANWENI LOMISWE NGALENDLELA:

INDZAWO : EHHOLENI LESIKOLO

LUSUKU : 6 Kholwane 2009

SIKHATSI : 10H00

LUHLELO

1. Kuvulwa.
2. Emavi asihlalo
3. Emalunga lakhona nalangekho.
4. Kufundvwa kwemaminithi
5. Lekuvuka emaminithini
6. Umsebenti welusuku
 - 6.1 Sikhatsi sesikolo
 - 6.2 Iyunifomu
 - 6.3 Tidzakamiva
 - 6.4 Kudla kwebafundzi
 - 6.5 Sivandzi sesikolo
7. Lusuku lwemhlangano lotako
8. Kuvala

Emaminithi emhlangano

Elamana ne-ajenda futsi asuselwa kuyo. I-ajenda iveta tihlokwana, emaminithi wona akhuluma kabanti ngaletihlokwana letivetwe yi-ajenda. Loko umfundzi labhala enabe ngako, ngulokusuke kukhulunywe kwavunyelwana ngako emhlanganweni ngaleso naleso kuletihloko. Emaminithi angemaciniso aloko lokwakhulunywa ngako futsi asetjentiswa kugcina lokwavunyelwana ngako kutsi kungakhohlweki, kungalahleki. Emaminithi abhalwa ngesikhatsi lesengca futsi ngelulwimi loluhlelekile.

Caphela kutsi kubhalwe ngekuphikisana lokuba khona emhlanganweni, kuba tincumo letibalulekile letibhalwako.

Bafundzisi kufanele bafundzise bafundzi kutsi i-ajenda nemaminithi kubutwa kokubili kanyekanye.

Nasi sibonelo semaminithi:

EMAMINITHI EMHLANGANO WESIKOLO SASETAKHENI LOWABE USEHOLENI LESIKOLO MHLAZANA TI-15
KUKHOLWANE 2007

1. Kuvulwa kwemhlangano

Wavulwa ngusihlalo ngemthandazo.

2. Kwemukelwa

Sihlalo, wemukela emalunga labekhona.

3. Emalunga labekhona.

Onkhe emalunga bekaphelele.

4. Kufundvwa kwemaminithi

Afundvwa abuye emukelwa

5. Lokwavuka emaminithini:

Kuphepha esikolweni

6. Umsebenti welusuku

1.1 Sikhatsi Sesikolo

Asihlonishwe.

6.2 Iyunifomu

Ayigcokwe ngendlela lefanele kakhulukati ngaLesihlanu.

6.3 Tidzakamiva

Akuliwe nato.

6.4 Kudla Kwebafundzi

Bafundzi batawuphakelwa kudla ngeNgci.

6.5 Sivandzi Sesikolo.

Asinakekelwe

7 Lusuku lwemhlangano lotako

7 Ingci 2007

8. Kuvala

Kwavalwa ngemthandazo

Umfundzi akanake kwekutsi tonkhe tihlokwana letisebente ku-ajenda ngito letisentjentiswe emaminithini, kwenatjwa ngato.

4.6 I-ATHIKHELI YELIPHEPHANDZABA

I-athikheli yeliphephaboku nobe liphephandzaba iyindlela yekuletsa Iwati, ingucuko, imininingwane letsite mayelana naloko umhleli lafuna kukwendlulisa nobe lafuna kutsi tetsamelilwati tikucaphele kumbe kukhangisa. Umhleli angasebentisa emafonti lehlukahlukene, imibala lehlukahlukene futsi legcamile, imidvwebo lehlukene kugcugcutela, kutsengisa umcondo lotsite. I-athekhili yehlukaniswe katsatfu, singeniso, umtimba nesiphetfo. Lulwimi lolusetjentiswako lufanele lubete emaphutsa elulwini, futsi luvakale mbamba. Tetsamelilwati kufanele tinikwe imininingwane yalapho tingatfumela khona imibono nangabe tifuna kuphawula, sib. Likheli, tinombolo telucingo, njll.

Ligama lalowo lobhalako kufanele livele, indzawo (nesikhatsi)

Labatsengisa ngemtimba bangatibona sebavunwa ngumtsetfo kungasikudzala

Siphumelele Bhembe

Hulumende angahle aluhlolise kabanti ludzaba Iwekuphasisa umtsetfo wekuhweba ngemtimba – umtsetfo longaletsa injabulo kulabo labatsengisa ngemtimba baseNingizimu Afrika.

Ukhishiwe kuleliviki umbiko we-South African Law Reform Commission lophakamisa kutsi kwakhiwe i-Adult Prostitution Reform Act.

Sesidze sikhatsi emacembu lamele labatsengisa ngemtimba aphakamisa kutsi kuhweba ngemtimba kube semtsetfweni kulelive

NgaKholwane kulomnyaka lilunga lePalamende Vukani Zwane wetfusa labanengi lapho aphakamisa kutsi kutsengisa ngemtimba kumele kube semtsetfweni ngalesikhatsi semncintiswano we-World Cup nga-2010.

Lombiko wesekelwe licembu lelimele labatsengisa ngemtimba

I-Sex Worker Education and Advocacy. Umchumanisi walelicembu

Sandzile Tfwala utsite bativa baphuphuma injabulo futsi bakhululekile ngenca yekutsi ekugcineni lombiko sewugcine sewukhishiwe ngemuva kwesikhatsi lesidze cishe sibe iminyaka lesikhombisa solo balindzile.

Sandzile utsite nobe kungakacaciswa kahle embikweni kutsi kumele uguculwe kanjani umtsetfo, njengobe kusesiphakamiso nje, bayakwemukela kutsi sikhatsi sengucuko sesifikile.

IMIBONO

P.O.BOX 27

Cape Town

2000

NOBE

7 Imbulu Street

Cape Town

2000

Lucingo: (021) 752 4906

4.7 I-ATHIKHILI YEPHEPHABHUKU

Sibonelo se-athikhili yephephabuku:

ILihawu inelitsema lekwenyuka kwemiphumela ngemnyaka we2019	
Bafundzi baseLihawu Secondary School babonakala batewuletsa imiphumela lemihle esekethini yaseSikhulile.	Kunemfundzi longuSbongile Maseko lophumelele sifundvo setibalo ngemaphesenti la-98, Siswati watfola emaphesenti la-90 ngethemu leyengcile.
Lokuhle ngalabafundzi kutsi babeka tifundvo tabo embili. Ekucaleni kwemnyaka kwacashwa thishelanhloko lomusha. Imisebenti layentako iyajabulisa.	Loku kukhombisa kutsi labafundzi baseLihawu batimisele kakhulu. Bafundzi labanyenti bafundzela egunjini lemtapotincwadzi. Loku kubasita kulungiselela luhlolo lwabo.
Labafundzi bavukela esikolweni nangemphelasontfo. Loku kubasita kakhulu kutsi batfole imiphumela lemihle. Kunabothishela labatimisele kubasita. Kukhutsatwa kwebafundzi labengemavila kube nemiphumela lemihle. Sebayakhona kuya emagunjini ekufundzela ngaphandle kwekulandzelwa, ngibo labefika ekuseni egunjini lekufundzela bafundzisi bangakefiki esikolweni.	Labanye bafundzi bafundzela emaklasini baphume ngensimbi yesine ntsambama. Loku kuyabakhutsata kubuye kubanike umdlandla wekusebenta ncono kute baphumelele uma umnyaka uphela.
Nangabe umfundzisi afundzisa, kuba nekujabula kuye ngobe bafundzi basuke bati loko latabafundzisa kona ngaphambilini ngekutsi batifundzele bona ngembi kwesifundvo. Umfundzisi uyayibona inchubekelembili. Ufisa shengatsi angafundzisa umnyaka wonkhe ngendlela labafundzi labamnika indlebe ngayo.	IMIBONO P.O.BOX 77 Pretoria 3000 NOBE 10 Walter Street Pretoria 3000 Lucingo: (012) 752 4906

4.8 SIHLATIYWA (IRIVYU)

Sihlatiywa sibhalwa nangabe lobhalako abefundza incwadzi letsite, abebukela lifilimu, abelalele umdlalo wemoya, abekukele umdlalo welibhola, njll. bese ekugcineni, loko lakufundzile nobe lakubonile uyakuhlatiya abuye akuhlole ngenhloso yekwengeta nobe aphungule lokutsite nakukhona, yekulungisa emaphutsa, yekukhutsata, njll.

Sihlatiywa asimumatse naku lokulandzelako:

Imininingwane yelifilimu:

- Libito lembhali.
- Libito lelifilimu
- Libito lenkampani lelishicilele

- Umnyaka lelishicilelwe ngawo
- Lusuku lelishicilelwe ngalo
- Linani lemali (nangabe likhona)

Bunjalo belifilimu:

- Hlatiya ngalokufisha lelikhuluma ngako
- Phawula ngendlela lelibaleke ngayo
 - Setfulo
 - Kuvetwa kwebalingisi
 - Umtselela wendlela lebhaleke ngayo
 - Kulandzelana kwetigameko
 - Tiphakamiso netincumo
- Luhlobo lwembhalo

Sakhiwo sayo

- Siba nesihloko.
- Sibe nesingeniso, umtimba nesipheto.
- Singeniso asetule sendlalelo ngalokufisha,
- Umtimba awuhlatiye tehlakalo letibalulekile ngalokufisha, ngaphandle kwekuveta ebaleni lokusesakhiweni.
- Sipheto siveta umbono wemhlatiyi nobe tiphakamiso takhe ngalelifilimu.

Ingcikitsi

Iveta imibono yembhali wesihlatiyya ngalendzaba / ngalelifilimu netizatfu temibono yakho.

Sitayela neliphimbo

Kufanele sihlatiyya singatsatsi luhlangotsi.

Liphimbo lihlelekile hloko selibhuku nobe lifilimu

Lusuku lelishicilelwe ngalo

Balingisi labakhulu (Abangabi ngetulu kwalabane)

Sifinyeto sesakhiwo sendzaba

Sibonelo sesihlatiyya

Kumabonakhashane ngibukele liflimu “Kwahlwa Emini” lelibhalwe nguMalambe. Leliflimu lashicilelwa bakaVukutentele nge-2006.

Indzaba yonkhe itinte elokishini laseMatsulu. Inkosi yemaNgcamane Silwanesemhlolo, ifuna kunika indlalifa yayo Sikhuni, bukhosi balapha elokishini iMatsulu kantsi kukhona lowake wabambela bukhosi, lowo-ke nguSigubhu, losusa umbango lohisako ngobe naye bekasicotsele lesikhundla. Kutsatselwane tikhali kuze kucitseke nengati. Umbango ugijime nayo yonkhe iMatsulu kudzimate kungenelele nemakhansela emmango.

Kuhlatiyya kwembono.

Umbhali waleliflimu usebentise sakhiwo lesihle nendzaba iyalandzeleka futsi iyafundzisa. Nobe kunjalo indzaba yebukhosi nembango wayo angeke yenteke elokishini (esikomplazi) ngobe phela lilokishi liphetfwe ngemakhansela. Lendzaba ayibe nesibekandzaba sasemakhaya lapho kuphetse khona emakhosi. Angeke inkosi ibeke imitsetfo yetendzabuko esiveni lesiphetfwe ngemakhansela nobe naso siphetfwe bukhosi nje.

Lokunye lokungantjintwa ngumbango lodala kucitseka kwengati. Inkinga ayisonjululwe ngaphandle kwekutselwana kwetikhali, kepha kuboniswane ngekuthula.

Tiphakamiso

Babhali nangabe babbala tindzaba nobe imidlalo, babocaphela ingcikitsi.

Ingcikitsi ngiyo lengelekelela kutsi umbhali akwati kuyibeka endzaweni lefanele indzaba yakhe.

Simonhlalo nesimo sesikhatsi nako kuyasifaka sandla ekukhetseni indzawo lapho indzawo yenteka khona.

Kute kugwemeke lokwenteka kuleliflimu lelingenhlha, (umbuso wemakhosi lobekwe elokishini lapho kubusa emakhansela khona), letiphakamiso tibalulekile.

4.9 UMBIKO LOHLELEKILE

Ngulolunye luhlobo lwembhalombiko lapho umbiki kufanele abike imininingwane letsite ngesigameko lesenteke akhona asibona. Imibiko yehlukahlukene, ingaba yasemisebentini, imibiko yetiboshwa letece ejele, imibiko yetimali, imibiko yetingoti temgwaco, njalo njalo. Imibiko ibhalelwa tinhoso letehlukene lokwenta kutsi nendlela lebhalwa ngayo ingafani. Umbiko awusyo incwadzi futsi ubhalwa ngendlela lehlukile.

Lokucikelewako nakubhalwa umbiko:

- Inhoso yembiko kwendlulisa Iwati lolutsite.
- Lokucuketfwe kufanele kube ngemaciniso kungabi imibono yembali.
- Lokucuketfwe kufanele kuphatselane nesihloko.
- Lokucuketfwe kufanele kubhalwe ngendlela yemaphuzu
- Lulwimi kufanele kuhambisane nalabo umbiko locondziswe kubo.
- Umbiko kufanele ubhalwe ngendlela yemuntfu wesitsatfu, lokukhulunywa ngaye, kwentela kutsi uvakale kahle.
- Kufanele ube nesihloko lesihambelana nalokubikwa ngako.
- Kufanele ube nelibito lalowo locondze kuye.
- Kufanele kube nendlela lelandzelwe nakugcogcwia Iwati
- Kufanele uvete lokutfolakele nakuphenywa.
- Kumele ube nesipheto
- Kufanele umbhali avete tiphakamiso netincomo takhe.
- Ligama lalobhalile nelusuku lobhalwe ngalo nako kufanele kubhalwe.

Kutsatfwa letinyatselo letilandzelako:

- Inkinga ayicwaningwe
- Akugcogcwia Iwati
- Hlatiya ubuye wente tincomo
- Lungiselela bese ubhala umbiko
- Ligama laloyo loya kuye
- Ligama laloyo lobuya kuye
- Lusuku lobhalwe ngalo
- Sihloko sembiko
- Ummongo wembiko wonkhe kulapho umbiki abeka ngalamafisha kutsi kunenkinga nobe tintfo tihamba kahle
- Lokucuketfwe ngulombiko

Umbiki utawubhala tihlokwana talombiko kodywa angatichazi.

Kwetfula kwembiko

Lapha-ke umbiki uchaza ngaletihlokwana letingenhla ngalamafisha, kuchazwe simo setintfo.

Siphetfo

Umbiki utawuphawula ngalokucondzene nembiko, abeke tincomo netiphakamiso.

Emavi ekubonga

Kubongwa bonkhe labaphose litje esivivaneni ekwenteni umbiko ube yimphumelelo

Nasi sibonelo sembiko:

UYA KU: Mnz. Z.K. Gamedze (Sosekethe)

SIHLOKO: Lucwaningo ngekungaphumeleli kahle kwebafundzi belibanga lelishumi nakubili ye-2009 esikolweni iTsemaletfu.

SISEKELO: Njengobe kumisiwe ngusosekethe lombiko uphat selene neluncwaningo Iwembangela yemiphumela lemibi ikakhulukati yelibanga Lelishumi Nakubili.

INDLELA

Inkhulumoluphenyo – Umkhandlu wesikolo

- Bothishela belibanga lelishumi nakubili
- Bafundzi belishumi nakubili labaphindzako
- Bonkhe bavete luvo Iwabo netincomo tabo

LOKUTFOLAKELE:

- Bafundzi labanyenti bahlala bodywa emakhaya.
- Kungabi nemandla ekumelana netifundvo tantsambama ngenca yendlala.
- Kukhulelwa kwebafundzi.
- Kuhamba kwabotishela emkhatsini nemnyaka.

--Kuyocecesha kwabothishela ngesikhatsi sesikolo.

--Umsebenti wepothifoliyo ungetulu kwesilinganiso

- Litiko Letemfundvo alibasiti ngalokwenele bothishela etifundvweni letehlukene.
- Kungena kwetidzakamiva netikhali tekulwa emabalen esikolo.

TINCOMO:

- Litiko Letemfundvo kumele linciphise umsebenti wephothifoliyo.
- Litiko letemfundvo alibe nendlela yekondliwa kwebafundzi belibanga lelishumi ngesikhatsi setifundvo tantsambama

-
- Kuhamba kwabothishela akuvunyelwe kuphela ngethemu yekucala.
 - Kucecesha kwabothishela akucale ngelihora lesibili entsambama nangemigcibelo, hhayi ngemaholode, emaholide kuge sikhatsi sekwengeta kufundza.
 - Batali ababe yincenye yetifundvo tebantfwababo.
 - Tifundvo tantsambama aticale ebangeni lelishumi
 - Tikolo atinike bothishela lilanga leligcwele lekuceceshwa.

SIPHETFO

Kuyintfokoto lenkhulu-ke kulwetfula ngemphumelelo lelucwaningo sibuye setsembe kwekutsi lutakuba lusito lokukhulu.

EMAVI EKUBONGA

Bonkhe labafake sandla kulolucwaningo babongwa kakhulu.

4.10 INKHULUMO LELUNGISELWE

Inkhulumo bufakazi lobubhaliwe besetfulo semlomo lesefulelwie inhoso letsite. Inhoso yeyeme kulokushiwo sihloko senkhulumo. Nangabe umfundzi abhala inkhulumo kufanele acikelele tetsamelilwati ngobe linyenti lato lehlukile ngemasiko, inkholelo, emazinga emfundvo, njll. Kufanele acikelele kutsi emaphuzu enkhulumo yakhe awavusi imiva yetetsamelilwati. Inkhulumo inesingeniso, umtimba nesiphetfo.

Lokumele kucikelelwie nakufundziswa inkhulumo lehlelekile:

Kufanele kufundziswe:

- Inhoso yenkhulumo.
- Indlela lekubekwa ngayo emaphuzu.
- Tihlokwna letibalulekile nakubhalwa inkhulumo.
 - Sihloko:

Inkhulumo iba nesihloko, lapho yentelwa khona, loyibhalako (loyetfulako), lusuku lebhalwa ngalo (leyetfulwa ngalo) nalokucuketfwe yinkhulumo.

- Kubingeleta:

Lobhalako kufanele acale ngekubingeleta tetsamelilwati ngekwetihlalo tato nangekulandzelana kwato, abuye abingelete netetsamelilwati tonkhe. Kufanele alandzele ngekutefula.

- Singeniso:

Singeniso kufanele sibe nemfutfo, sichaze emagama lalukhuni esihlokweni. Sifanele sibe sifisha, kodvwa sidvonse tetsamelilwati kutsi tifundze (tilalele).

- Umtimba-Lokucuketfwe:

Inkhulumo ayibhalwe ngalokucacile, ibe nemisho lemifisha lenemicondvo lephelele. Kubalulekile kutsi lobhalako asebentise netibonelo lapho kudzingeke khona. Akungasetjentiswa emagama langevakali nalalukhuni, lobhalako agweme lulwimi lolushubile, lokungenta kutsi tetsamelilwati tigcine tingakawuva umlayeto lowetama kuwendlulisa.

- Siphetfo:

Siphetfo sisonga konkhe lokubhalwe lapha ngenhla. Umbhali ubuye aphetse ngekunika yakhe imibono netiphakamiso ngesihloko labebhala ngaso. Emva kwekufinca ugcina ngekubonga kuto tonkhe tetsamelilwati.

Sibonelo senkhulomo lehlelekile.

Inkhulomo leyetfulwa nguMnu. K.V Mahlobo longuSonhlalakahle, emahhovisini aseNasipoti, laphatselene nekusetjentiswa kabi kwetidzakamiva

Angicale ngekubingelela umphatsiluhlelo, tikhulu letichamuka ehhovisi Lavelonkhe ePitoli, labachamuka eMnyangweni weTemfundvo lapha eMphumalanga, baphatsi betikolo nemasekela abo labakhona lapha emkhatsini wetfu, nabo bonkhe labetsamele lenkhulomo.

Ngiyajabula kutsi nite ngebunyenti benu. Njengobe bese angetfulile umphatsiluhlelo, libito lami, nginguKhetsatonkhe Velabamtsandze Mahlobo longuSonhlalakahle lovela emahhovisini aboSonhlalakahle eNasipoti.

Ngitewubonisana nani ngebubi lobubangwa kusebentisa kabi tidzakamiva.

Tidzakamiva tiyingoti etimphilweni tenu labasha, ngobe tikwentisa tintfo lebewungeke utente ungakatisebentisi. Umuntfu uyabulala angakahlosi, abe akhutsatwe nguleso sidzakamiva lasuke asidlile, ngaloko agcinele ejele. Lomunye tiyamenta agcine sabulawa nasifo sengcondvo. Labanye tibakhutsata kutsi badzelele, kweba, kuhlukumeta, njengekudlwengula nekubulala. Ngaloko kube sekubanga tindleko letingadzingeki emindenini nakuhulumende, tindleko tekwelapha labo lesebanesifo sengcondvo, kucilongwa nekwelashwa kwalabadlwenguliwe njalo njalo.

Kunetindlela letinyenti longatisebentisa, kukhona emacembu kanye netinombolo longasitakala kuto. ENasipoti kunemahhovisi, kaMkholo Building, nobe ushayelete ku-0724338890.

Lapho kulamahhovisi utawuchunyaniswa nelicembu lelibuka tinkinga tekusetjentiswa kwetidzakamiva.

Ngiyanibonga ngekungipha indlebe nekungihlonipha.

4.11 INKHULUMISWANO/ INKHULUMOMPHENDVULWANO

Inkhulumiswano yingcoco leyenteka emkhatsini webantfu lababili nobe labangetulu labakhuluma babuye baphendvulane. Kuyindlela yekucopha inkhulomo njengoba yenteka ngco kulabo labacocako.

Lokumele kucaciswe nakufundziswa inkhulumiswano:

- Inkhulumisano inesingeniso, umtimba nesipheto.
- Singeniso sisendlalelo saloko lokutawenteka, indzawo lapho kwenteka khona, lababandzakanyekako kulenkhumiswano naloko labatawukhulumsana ngako.
- Esikhatsini lesinyenti, akuvuselwana, labakhulumako bavele bangene endzabeni.
- Umtimba wakhiwa yinkhulomo lapho icala khona, itfutfuke ize ifike esicongweni sayo.
- Emagama alabakhulumako abhalwa ngasesandleni sesencele, bese kufakwa ikholoni emva kwavo inkhulomo icondzana nalowo loyikhulumako.
- Kukhetwa kwemagama kusetjentiswa kwehlukanisa emazinga alabo labakhulumako, sib. Umphatsisikolo nakhuluma nemfundzi, inkhulomo yabo itawukhombisa ngelizinga lenhloniphoyemfundzi.
- Sipheto senkhulumiswano sivakala ngekwehla kwemoya nangabe beyiphakeme, kuphakama kwemoya nangabe kungekho kucolelana, lokusho kutsi yinkhulomo yalabacocakolekhombisa kuphela kwenkhulumiswano, kuye ngekutsi indzaba beyiphatselene nani.

Sibonelo senkhulumomphendvulwano

(LaMnisi usendleleni ucondze kamakhelwane wakhe LaMngometulu. Uyadlatfutela, uphefumlela etulu, ujuluke umanti nte.)

- LaMnisi:** (ungena emabalen kaMngometulu ukhuluma yedvwa). Kakhulu, siyakhulekela bo!
- LaMngometulu:** (avule sivalo sangenhla, amamatseke, avule umnyango). Yebo! Ninjani makhi?
- LaMnisi:** (anikine inhloko akhombise nangesandla kutsi akangeni.) Angingeni, angihlali futsi (ebusweni uyabonakala kutsi uyimphi) **LaMngometulu:** Ngabe yini kangaka lekwenta ungafuni kungena endlini lamuhla makhi? Ngabe uyagula yini?
- LaMnisi:** Besingekho sivakashile lapha ekhaya. Lokwebafana kuwantjontje onkhe emangoza ami. Ngabe awubonanga lutfo yini?
- LaMngometulu:** Nanobe ngite liciniso lekutsi bafana, kodvwa ngitivile tinja tikhonkhotsa tiga umhlolo itolo ebusuku. Saphumela ngaphandle, sabukabuka kepha asibonanga lutfo. Hhayi ncesi Mvuleni.
- LaMnisi:** Ngiyabonga makhi kungipha emavi lamnandzi latfoba inhlitiyo yami. Buka nje bengihlose kunentela iasha nginiphe, pho kuphi la? Hhayi asati kutsi lelive liya kuphi
- LaMngometulu:** Hlala makhi sesinatse nali litiya. Ungakhohlwa kutsi ayikho imphunga yelihlatsi.

4.12 INKHULUMOLUPHENYO / I-INTHAYU LEBHALWAKO

I-inthavyu yinkhulumo lapho kuba khona umuntfu nobe bantfu labalicensana lababuta lomunye imibuto baphindzelela ngenhloso yekwati kabanti ngaye. Kungabutwa kabanti umuntfu lofuna umsebenti nobe kubutwe umuntfu ngenhloso yekutfola lwati ngentfo letsite leyentekile nobe letakwenteka. I-inthavyu ingentiwa bukhoma, kumabonakhashane, emsakatweni nobe elucingweni. Ikhona futsi i-inthavyu lebhalwa phansi njengenkhulumomphendvulwano/inkhulumo.

Lokumele kucaciswe nakufundziswa inkhulumoluhlolo:

- Inkhulumisano inesingeniso, umtimba nesiphetfo.
- Singeniso sisendlalelo saloko lokutawenteka, indzawo lapho kwenteka khona, lababandzakanyekako kulenkhumoluhlolo naloko labatawuhlolana ngako.
- Esikhatsini lesinyenti, kuyavuselwana, lotewuhlowa emukelwe, labatawukhuluma batatise ngembikwekulala luhlolo.
- Umtimba wakhiwa yimbuto netimpfendvulo lapho kucala khona, kutfutuke kuze ifike esicongweni sayo.
- Emagama alabakhulumako abhalwa ngasesandleni sesencele, bese kufakwa ikholoni emva kwawo inkhulumo icondzana nalowo loyikhulumako.
- Kukhetfwa kwemagama kusetjentiswa kwehlukanisa emazinga alabo labakhulumako, sib. Umphatsisikolo nabuta lotewucela sikhala semsebenti imibuto, inkhulumo yabo itawukhombisa ngelizinga lenhloniphoyalobutwako.
- Siphetfo senkhulumiswano siba lapho kuphela khona imibuto, lobutako aveta kutsi imiphumela itawtfunyelwa ngayiphi indlela kulebekahlolwa. Emva kwaloko kuyabongwa, lohlowlako akhululwe.

Sibonelo senkhulumoluhlolo i-inthavyu

(Thuli wente sicelo sekuba ngumfundzi esikolweni saseMbhudula lesiseMbuzini. Sigungu lesikhulu sesikolo simmemile kutsi atewuphenywaphenywa ngemibuto. Lenkhulumoluphenyo yenganyelwe nguthishelanhloko Umnumzane Mahlalela, Nkhosatana Shiba ubhala emaminithi, bese kutsi Nkhosikati Shongwe abe ngulomunye lotawuphenya ngemibuto)

Thuli:	Nconco! (<i>Bonkhe basukume</i>)
Mahlalela:	Ningahlala bekunene (<i>Thuli solo umile</i>) Nawe Thuli sewungahlala. Sawubona Thuli, lapha sinaNkhosikati Shongwe kanye naNkhosatana Shiba babothishela lapha esikolweni. Ubute lapho ungakevisisi kahle khona. Ase usitjele kabanti-ke ngawe.
Thuli:	Ngiyabonga kunginika lelitfuba lekutsi ngibe lapha eMbhudula lamuhla. Mine nginguThuli Nkala, Kahhoyi. Bengifundza Libanga le-11 eMbhunu.
Shongwe:	Hawu! IMbhunu nayo sikolo, ngabe yini ufune kufundza lapha kube kukhashane nasekhaya?
Thuli:	Ngiyati intfo nje ngulesimo sagogo. (<i>anatse emanti abuye abeke ingilazi</i>)
Mahlalela:	Iphi iriphothi yakho?
Thuli:	Nayi. (<i>Bayibukabuke bahlebe</i>)
Mahlalela:	Sitakwemukela ngobe unesizatfu lesicinile. Hamba uye eklasini Lelibanga le-12A. Ngabe kukhona yini losafuna kukusho?
Thuli:	Cha babe

5. EMATHEKSTHI EMIBHALOMBIKO LEMIFISHA (entelwe Lulwimi Lwekulala nelWesibili Lwekwengeta kuphela- FAL neSAL)

BUDZE BEMATHEKSTHI EMIBHALOMBIKO LEMIFISHA, LOKUFANELE IKHICITWE:

Lizinga	Libanga 10	Libanga 11	Libanga 12
FAL	• Emagama la- 60 - 80	• Emagama la- 60 - 80	• Emagama la- 60 - 80
SAL	• Emagama la- 40– 60	• Emagama la- 40– 60	• Emagama la- 40– 60

Ematheksthi emibhalombiko lemifisha, nawo njengalawo emibhalombiko lemidze, angaba yimphendvulo nobe kucalisa imphendvulo. Njengoba sekushiwo, lamatheksthi amibhalombiko. Sibonelo, libhukutinhlelomalangonke (idayari), sikhango, iphosta, iflaya, tinkhombandlela, likhadi lesimemo, njll, njengoba nenkhumo ingenta tetsamelilwati tiheheke nobe tikhombise kungavumelani nayo.

5.1 IDAYARI / LIBHUKUMALANGA-ONKHE

Idayari yincwajana lecuketse tintfo letibalulekile letiphatselene nemphilo yakhe, loko umuntu lakwentako ngelilanga, ngeliviki, ngenyanga nangemnyaka wonkhe, langafuni kutsi atikhohlwe naletlo lafuna kutikhumbula, kanye naletinye nje letingakabaluleki. Kubhalwa lokubalulekile umuntu latakwenta ngaleso sikhatsi nangalelo lilanga.

Lokumele kucaciswe nakufundziswa inkhulumoluhlolo:

- Loyibhalako kufanele afake lusuku ekucaleni kwalelo nalelo khasi.
- Ibhala ngendlela yemuntfu wekulala, lokhulumako.
- Ibhala ngesikhatsi sanyalo, lesitako nalesengca, kuye ngalobhalako kutsi ukhetsa siphi, kungenteka lomunye umbhali atibhice tikhatsi.
- Lokwentekile kubekwa ngemagama lamafisha.
- Isebentisa lulwimi lolungakahleleki, kulesinye sikhatsi lobhalako angasebentisa lulwimi loluviwa nguye kuphela ngobe angafuni lakubhalile kwatiwe ngulabanye bantfu.

Sibonelo selibhukutinhlelomalangonkhe: 1

MABASA 2010

10	Lesibili 10
09H00 Ngitawucela imvumo kuthishela yekuyewubonana nadokotela wematinyo	
10H00	
11H00	
12H00 Ngitawunika thishela umsebenti wami welucwaningo.	
13H00 Ngitakuya kadokotela wematinyo	
14H00 Ngitakube ngikakodotela wematinyo	
15H00 Ngitakube ngiya ekhaya ngibuya kadokotela wematinyo	
16H00	
17H00 Ngitakube ngipheka / ngisetinkhomeni	
Lesitsatfu 11	
08H00 Ngitakube ngibhala sivivinyo sesibili	
09H00	
10H00	
11H00 Ngitakube ngisecenjini lebafundzi benkhulumomphikiswano yeSiswati	
12H00	
13H00 Ngitakube ngisematjenimabhuku / ngiselayibhrari	
14H00	

Sikhatsi	Lis.	Ums.	Les	Lesits.	Lesine	Lesihl.	Umgc.
7h00-8h00			1	2	3 kubuyeketa temibhako	4	5
8h00-9h00	6	7	8	9	10	11	12
9h00-10h00	13 Lisontfo lemasundvu	14	15 Kuvulwa tikolo	16	17 Inkhulumo- mphikiswano	18	19
10h00-11h00	20	21	22	23 Sivivinyo sesitsatfu	24	25	26 Kubuyeketa tinkondlo
12h00-13h00	27 Umbha- bhatiso	28	29	30 temlomo	31		

Sibonelo selibhukutinhlelomalangonkhe: 1

Kholwane 2010

5.2 SIKHANGISO

Yindlela lesjetentiswa kakhulu bosomabhizinisi labancane nalabakhulu, kuheha ummango ngemikhicito yabo. Sikhangiso siyaheha sigcizelele, futsi siyayifaka nenkhulomo leyimfundzisolite nalehhungako.

Tiyehluka tikhangiso, kungaba temsakato, temaphethandzaba, temisebenti, emabchange, titolo, tetigitjelwa, tabomabonakudze naletinye letinyenti. Kusetjentiswa lulwimi loluhhungako, lolomnandzi nalolushelelako kute emakhasimende atewugijima angashiywa.

Kusetjentiswa emagama lamakhulu nalamancane nalahlukahlukene kudvonsa emehlo ebatsengi. Kubalulekile kutsi umfundzi nakasibhala, ati kutsi sicondziswe kutiphi tetsamelilwati. Labadzala, labancane, labadvuna, labasikati nobe lusa jikelele ngekwehlukana njalonjalo.

Lokufanele kucikelelwe nakufundziswa sikhangiso:

- Kufanele sihambisane nenjongo netetsamelilwati
- Sihloko lekufanele sihehe tetsamelilwati kute titsenge umkhicito lokhangiswako.
- Kufanele kusetjentiswe emagama laveta umcondvo locuketfwe kucikelela kusetjentiswa kwelulwimi ngalokujulile, lafaka ekhatsi kutsatsa luulangotsi, kuhhunga, kutsintsa imiva, imfundzisolate, njll.
- Sisebentise tinhlobo letehlukene tebukhulu nebuncane bemagama kute sigame.
- Sivete imininingwane lephatselene nesikhangisi, lapho lomkhicito utfolakala khona, linani lawo, tinombolo telucingo lapho ungashayela khona nangabe uyawufuna, njll.

Sibonelo sesikhangiso

TEKUTFUTSA!!!

NATI TIGITJELWA MBAMBA LETAKHELWE WENA!!!

Hamba natsi sikuyise lapho uya khona siphindze sikubuyisele emuva ngemanani laphasi kakhulu, mahhala hha!!!

Phakamisa lizinga lemphilo yakho ngekusebentisa tigitjelwa tetfu! Hlakanipha!!

Asifutsane unguungani wakho lowetsembekile, nawe tsembela kuye ngato tonkhe tikhatsi, untagudluki. Vuka uyibambe!!
Fika ngesikhatsi emsebentini.

Vakashela tonkhe tindzawo lofuna kutivakashela ngaphandle kweluvalo. Kute longakwentela konkhe loku ngaphandle “Kwa-Asifutsane.” **Ukhokha kancane**, wentelwe lokungetulu kwelinani lolikhokhlile. Usafunani lokunye??

Lithikithi lenyanga libita R600, 00. Ngumahhala hha!!

Walala wasala. Vuka sikhatsi sisekhona.

Sitsintse!

Makhalekhukhwini: 083 035 4920,

Sifolakala enombolo 25 Themba Street Kamachekeza, eNasi 1340.

5.3 IPHOSTHA

Iphostha liphepha lelikhulu lelinanyatseliswe etulu etindzaweni lapho kuvama kuba neabantu labanyenti khona kute bonkhe bayibone kahle. Iphostha isetjentiselwa kukhipha imilayeto lenhlobonhlobo lefaka ekhatsi imcimbi lemikhulu leyenteka emmangweni. Emacembu embangave/ etepolitiki ayayisebentisa iphostha nakhankhasela lukhetfo

Lokufanele kucikelelwe nakufundziswa Iphostha:

- Kufanele ihehe emehlo etetsamelilwati.
- Tetsamelilwati tikwati kuyifundza tibucadlwana.
- Umlayeto wayo ucondzengco

INTSANDVO YESIVE SASENINGIZIMU AFRIKA”

LUKHETFO LWEMAKHANSEL AKA MASIPALATI

Hlakaniphani! Sukumani!

Niyewuvotela licembu lenicabanga kutsi litawufeza emaphupho netidzingo tenu

Cabangisia ngembikwekuvotela licembu lakho!!

Angeke utisole!

Likusasa lakho lisetandleni takho!!!

Ungakhohlwa timphisi letigcoke tikhumba tetimvu letitsi tifuna kukusita kantsi tifuna kugwalisa tisu tato.
Likusasa lakho lisetandleni takho!!

“Intsandvo Yesive” ilwa nalokhu

Nelukhwabaniso ibuye

Iphakele tinsita temmango ngendlela lefanele.

Lusuku: 29 Kholwane 2010

Sikhatsi: 09H00

Indzawo: Enkhundleni Yetemidlalo Kamhlushwa.

Ungalivakashela futsi lelicembu enombolo 25 Shongwe Street Kamhlushwa.

Lucingo: (013) 759 0045

Makhalekhukhwini: 072 456 7309

Sihlala sikhona kusukela ngeMsombuluko kuze kube nguMgcibelo.

Tikhatsi tekusebenta: UMSombuluko – kuLesihlanu 08H00-18H00

UMgcibelo: 08H00 – 14H00

5.4 IFLAYA

Iflaya lipheshana leliba nemininingwane ngetintfo letitsite letiphatselene nemuntfu lowenta lokutsite. Iflaya ngulelipheshana lonikwa lona emigwacweni nawutihambela, kungaba sendleleni nobe emerobothini kantsi futsi liyaphoswa nasemakhaya ngenhloso yekuletsa lwati lolutsite emmangweni.

Lokubalulekile ngeflaya: Bona sibonelo saDokotela Mavuso.

- Iflaya isivetela ngodokotela lowelapha ngesintfu kanye netifo latelaphako
- Iveta indzabuko yalowo muntfu neticu takhe
- Ineminingwane lemayelwana nelucingo nelikheli lakhe
- Kuveta nemali lekhokhwako nawuyobonana nalowo muntfu.
- Iflaya ivamise kubhalwa ngemibalo legcamile

Sibonelo seflaya

DOKOTELA MAVUSO

Umelaphi lowetfwasa elwandle welapha tonkhe tifo letindzala kanye naletisandza kuchamuka lapha eNingizimu Afrika abuye acatulule tinkinga bantfu labagulako labavamise kubukana nato. Lucucudvu lwadokotela mbamba!

Nawe angakusita kakhulu etinkingeni lewubukene nato. Tivete ngobe lusito selufikile lapho uhlala khona emnyango wakho! Vuka jaha! Vuka ntfombi! Bumnyama bendlulile sekubusa kukhanya!! Angakusita nakuletifo letilandzelako:

1. **Sifo sekuwa**
2. **Sifo semehlo**
3. **Umdlavuta**
4. **Sifo sengculazi**
5. **Inyongo**

Vakashela : 10 Anderson Street, No.2 Mkholo Site, Nelspruit

5.5 TICONDZISO

Tinkhombandlela tiyinchubo yekwenta lokutsite nekutjela tetsamelilwati kutsi tiktikwente kanjani, kuphi, nini, njll. Tingasetjentiswa etimeni letehlukene, sib. Nangabe dokotela anika siguli imitsi kutsi isetjentiswe ngayiphi indlela, nangabe kubhakwa emakhekhe, nangabe bafundzi babbala luuhlolo, nangabe kwentiwa imidlalo letsie, njll. Ticondziso tingashiwo ngemlomo, lapho setsamelilwati singanikwa imiyalo, nobe tibhalwe phasi. Ticondziso kufanele tinikwe ngalokucacile kute lowo loyalelwako angabi nenkinga yekutilandzela. Kufanele tisebentise lulwimi lolucolisakele, nalolwemikelekile. Ticondziso kufanele tibe timfisha, ticondze ngco.

Sibonelo seticondziso

KWENTA LITIYA

TITSAKO

- Emakhambi elitiya
- Shukela lomhlophe noma lobovu
- Lubisi
- Ilita yemanti

INDLELA YEKWENTA

- Bilisa emanti ngeligedlela.
- Kufanele uwasebentise leso sikhatsi uma acedza kubila.
- Cala ngekufaka licembe linye lelitiya enkomishini bese ufaka shukela.
- Tsela lamanti labilako.
- Tamatisa litiya lize litiye.
- Faka lubisi kutamatise futsi.
- Khipha lelicembe lelitiya bese uyalinatsa.
- Ungalinatsa lodvwa, ngabhatata, ngesinkwa nobe emakhekhe.

5.6 TINKHOMBANDLELA

Tinkhombandlela yichubo yekulayela setsamelilwati nangabe siya endzaweni lesingayati nobe lesingaketayeli kuyihambela. Nangabe ulayela umuntfu, kufanele lokushoko kucace kuze lowo lolayelwako angalahleki endleleni. Esikhatsini lesinyenti kusetjentiswa tintfo letingasuki emhlabatsini kuze lolayelwako angabi nebumatima bekulandzelela. Tintfo letisetjentiswako tifaka ekhatsi, tihlahla, titolo, emasontfo, liposi, emagalaji, njll.

Lokubalulekile lokumele kucikelelwane nakulayelwana:

- Kufanele kube nendzawo umuntfu lasuka kuyo nalapho aya khona.
- Kufanele kuvele tindlela umuntfu latatihamba, lapho asuka khona aze ayewufika lapho aya khona.
- Kuvele emagama etindzawo latatendlula.
- Kufanele kusetjentiswe tintfo letingasuki emhlabatsini letinjengetihlahla, titolo, emasontfo, liposi, emagalaji, njll.
- Lokunye lokungasetjentiswa, siliganiso sebudze bendalela (emakhilomitha).
- Lolayelwako kufanele alalwlisise kute angalahleki endleleni.
- Kufanele lolayelako asebentise lulwimi lolucacile naloluvakalako.

Sibonelo setinkombandlela

Umngani wakho lobuya eJozi iota emcinjini wakho wekubungata ticu tebudokotela wati indlela leta kini kigcina edolobeni laseNasipoti. Wena-ke mlayele indlela kusuka eShoprite, kutewungena Kanyamazane lapho umcimbi ukhona.

- Nawusuka eShoprite eNaspoti, tsatsa umgwaco i-N4 ubheke emphumalanga.
- Utakwengca-i-KFC esandleni sekudla.
- Yengca emarobothi
- Yengca iCrocodile Valley.
- Chubeka uze uyofika lapho kunetimakethe "iVukutimele", esandleni sebuncele.
- Tsatsa umgwaco longenela esandleni sasekuncele.
- Yendlula libhuloho leliseMgwenya.
- Phambidlana utawutfola imphambanandlela.
- Utawubona inkomba yaKanyamazane lengenela ngasesandleni sekudla lengu-R41
- Landzela lomgwaco i-R41 wengce elokishini laseTekwane
- Utawuchamukela emitini lomukhulu waKanyamazane.
- Uma ufika emarobothini, tsatsa umgwaco longenela esandleni sasekuncele.
- Yendlula ligalaji.
- Yengca luchungechunge Iwetitolo esandleni sasekuncele.
- Egalaji lelingenhlala utawungena emgwacweni longenela esandleni sekudla.
- Jikela esandleni sebuncele uhambe njalo wendlule liphosi.

-
- Utawubona lihholo lelikhulu laKanyamazane

5.7 LIKHADI LESIMEMO

Likhadi lesimemo lisetjentiswa nangabe umuntfu atawuba nemcimbi lotsite. Lisetjentisewa kumema labo labatawuta emcimbini kakhulukati losondzelene nabo. Imicimbi levamile lefana nemishado, kuhlanganisa umnyaka, njll.

Lokumele kucikelelwwe nangabe kubhalwa likhadi lesimemo:

- Kusetjentiswa indlela yemuntfu wesitsatfu, lokukhulunywa ngaye. (Inkhulumombiko).
- Alinasibingelelo nasivaleliso.
- Alifakwa likheli.
- Kufanele libe neligama lemcmcimbi.
- Bamemnywa nalabamemako ababhalwe ngalokugcwele.
- Lifaka indzawo lapho umcimbi utawubanjelwa khona.
- Kuba nelusuku nesikhatsi semcimbi.
- Kuyenteka lomemako afake nendlela labamenywako lokufanele bagcoke ngayo (tembatfo)
- Lifaka imininingwane yekuchumana kwentelwe kutsi lomenyiwe asho nangabe atawuphumelela nobe angetuphumelela.
- Likheli lalobhalako livamise kufakwa ekugcineni.

Sibonelo selikhadi lesimemo

UNnumzane naNkhosikati Sibeko bamema uMnumzane naNkhosikati Nkhosi emshadweni wendwodzana yabo yekucala, Nhlanhla lotawube ahlanganiswa nge-kwemsetfo nedvodzakati yaMnumzane naNkhosikati Tsabedze, Sibongile, losakhmuti saseLigogodo.

Umcimbi uhhelwe ngalendlela:

Lusuku: 15 Lweti 2009

Indzawo: Ligogodo

Sikhatsi: Insimbi yelishumi ekuseni

Kugcoka: Temdzabu kantsi loku akusho kwekutsi labete tembatfo temdzabu bashiywa ngaphandle, nabo bayamenywa. Kutakuba nelidzili emuvakwenkonzo. Makoti utawemukelwa kusihlwa.

Imphendvulo: Tsintsana nanaba labalandzelako ngekuphutfuma ngembikwemhatinge-20 kuMphala 2010:

Sibusiso Mhlongo.

Lucingo: (013) 751 3470 Makhalekhukhwini 083 123 7645

Lomakhisimisi Khumalo

Lucingo: (013) 751 3470 Makhalekhukhwini 072 723 7695

5.8 **LIPHOSIKHADI.**

Liphosikadi likhadi leisetjentswa nakutfunyelwa imibiko/umlayeto ngeliposi. Umbiko utfunyelwa ngelikhadi, likhadi liposwa linjalo, imvilopho ayisetjentswa. Ingaba netikhala letimbili, lesinye siba nelikheli lalowo lotfunyelelwako, lesinye kubhalwe umbiko/umlayeto. Umlayeto usatsa sakhiwo lesitsi asifane nesencwadzi yebungani. Kubha nesibingelelo, lokungaba ligama lalobhalewako, lilandzelwe ngumbiko longabi mudze njengasencwadzini, lofinyetwako bese kuba sivaleliso lesifana nesencwadzi yebungani. Ungabatfumelela bantu liphosikhadi nangabe ufuna kubavusela, kubamema, kubahalaisela, kubakhumbuta ngalokutsite, kubakhutsata, kuveta luelo, njii

LOKUBALULEKILE NGELIPOSIKHADI

- Likhadi i leiba nenzawo lefuna sitembu.
- Liya kubani? Libuya kubani?
- Kusejtentsiswa inkhulumombiko.
- Akubhalwa tintfo letiyimfihlo.
- Indzawo lapho liya khona.
- Umbiko awube ngulofinyetiwe.

Siphelile	Siphelile Malambe Sibukosefu Secondary School P.O.BOX 119 Sand River 1251
<p>Sihambe kahle nasita lapha Ethekwini, asati kutsi nine nisele njani lapho ekhaya. Sifike eKing Shaka International Airport sakhandza imoti lesilandzile velle seyikhona. Phela bengishaywa luvadlwana ngobe sengikhumbule tindzaba tabotsotsi lesifundza ngato emaphphepheni kantsi ngesaba lite mntfwanamakhe ngobe lomshayeli bekuyimvu yenkhosi nie. Ngicela ungibekeli kahle i-albhamu yetifombe tam, ngiyikohlwe ekameiweni laSiphiwe. Kantsi kummandzi kangaka kunjuza emoyeni ngendiza?</p> <p>Ngibhala nie ngibuke lwandle netimanga talo mntfwanamake. Ngitakucocela kahle mhlazana ngibuya lapho ekhaya.</p> <p>Bakhonte bonkhe.</p> <p>Ngimi dzadzewenu</p> <p>Phumzile.</p>	

5.9 KUBHALA I-IMEYILI

I-meyleli indlela lelula naletfumela umlayeto ngekushesha futsi yenta kube malula kuchumana nalomunye ngekusebentisa i-inthanethi. Labaffumeliana ema-imeyili basebentisa emakkhompiyutha nobe bomakhalekhikhini. Bobabili, lotfumele nalotfunyelwa umlayeto, bangakwati kuyigcina kute awusebentise esikhatsini lesitako. Sibonelo se-imeyili.

TO: thuli@hotmail.co.za ; strini@webmail.co.za
CC: shongwe@lantic.org.za ; suffo@yahoo.uk
Sihloko: Umbiko losilele

MUMLAYETO:

Balingani

Niyakhunjutwa kutsi niletse imibiko kungakefiki Lesihlanu, mhla tingu-29 Inhlaba 2018. Nitawutfunyelelwa lifomu lekumele niligcwaliise kuze nente lokufanako. Uma nihlangabetana nebulukhuni bekugcwalisela lifomu ningatsinta Mnu. Mgabadel.

Ngiyabonga

Nomsa Twala

5.10 KUGCWALISWA KWELIFOMU

Lifomu lipheshana lelinetikhala letigcwaliswako ngobe kufuneka imininingwane letsite. Tinengi tinhlobo temaformu letigcwaliswako. Kukhona emafomu ekucela umsebenti, ekukhipha imali ebhange, ekufaka imali ebbange, ekucela tikhala tekufundza, njalonjalo. Kubalulekile kutsi lwoo logcwalisila lifomu anike iminingwane yakhe leliciniso, angashiyi tikhala.

Lokufanele kucikelilewe nakugcwaliisa emafomu:

- Kufanele logcwalisala lifomu, anike imininingwane leliciniso.
- Kufanele abhale ngalokufisha.
- Kufanele abhalwe ngesandla lesihle nalesibonakalako.

LIFOMU LEKUCELA UMSEBENTI**A. SIKHALA SEMSEBENTI**

Sikhala semsebenti lofaka sicelo sakho kuwo (*Njengobe sivele esikhangisweni*)

Umchumanisi We-2010

Inombolo yesikhala swmsebenti
(*Njengobe ibhalwe esikhangisweni*)

MPK /2/2010-5

Litiko ellkhipe sikhangisi
Litiko Letemidlalo

Ungacala nini kusebenta
nangabe kungaba nguwe lonikwa lomsebenti?

Nobe kunini

B. IMINININGWANE YAKHO (Nangabe ufake nencwadzi yekutichaza/umandvomphilo

lenayo yonkhe lemininingwane lelandzelako, ungayigcwali

lencenye lelandzelako)

Sibongo	Sibiya
Emagama akho laphelele	Lomakhnisimusi, Ntfombifutsi
Lusuku lwakho lwekutalwa	29 Kholtwane 1984
Inombolo yakho yamatisi	8407294759089
Buhlanga	Lompisholo Lomhlophe Likhalathi Wemdzabu x waseNdiya
Bulli	Umsikati x Umduuna
Unethibe yini?	Yebo x Cha
Usakhamuti saseNingizmu	Yebo x Cha
Afrika?	
Nangabe utsi cha, nika buve	--
bakho (uwakuphi?)	Yebo x Cha
Unayo yini imvume yekusebenta	
nekuhlala kulelive?	Yebo
Sewake watfolwa yinkantolo	
unelicala lekwephula umisetfo	
nobe wacoshwa emsebentini?	
C. SINGACHUMANA KANJANI NAWE?	
Lulwimi lesingachumana ngalo	(013) 752 5194
Tinombolo telucingo longaffolakala	
kuto ngetikhatsi temsebenti	
Indlela lesingachumana ngayo	Incwadzi
Likheli/i-imeyili/ifeksi	I-imeyili x Ifeksi
lesingakuchumana ngalo/ngayo	t.sibiya@voda.com

D. EMAZINGA EKUKHULUMA, KUFUNDZA KANYE NEKUBHALA TILWIMI

LOTATIKO. Khetsa emagameni. (Kahle kakhulu, kahle njé, kabi)

Emazinga		Bhala tilwimi lotatiko					
		1.	2.	3.	4.	5.	7
Kulukhuluma	Siswati	Singisi	Xitsonga				
Kulufundza	Emalengiso	Emalengiso	Kuhle				
Kulubhala	Emalengiso	Emalengiso	Kuhle				
E. LIZINGA LEMFUNDVO YAKHO (Nangabe ufake nencwadzi Yekutichaza/umlandvomphilo lenayo yonkhe lemininingwane lelandzelako, ungayigcwaisi lencencye lelandelako)	Ligama lesikolo	Libanga lekugcina lewaphumelela kulo		Umnyaka lowacedza ngawo	Umnyaka lowacedza ngawo	Ingongoni 2002	
Khumbula		Libanga 12					
Imfundvo lephakeme (Gcwalisa uvete tonkhe ticu lowatitfolo esikhungweni ngasinye)	Ligama lesikhungo	Ticu lowatitfolo		Umnyaka lowacedza ngawo	Umnyaka lowacedza ngawo	Ingongoni 2006	
UNISA	Semfundo	B.A					
Ticu lotentako njengamanje	Ligama lesikhungo semfundvo	Ticu lotentako		Umnyaka lohlose kucedza ngawo	Umnyaka lohlose kucedza ngawo	Ingongoni 2011	
University of Johannesburg		Tekuvakashha					

F. IMISEBENTI LOSEWAKE WAYENTA/UMSEBENTI LOWENTAKO

(Nangabe ufake nencwadzi yekutichaza lenayo yonkhe lemininingwane lelandzelako, ungayigcwalis i lelandzelako)

Umcashi	umsebenti	Wacala nini?	Wagcina nini?	Kwaba yini
lowentako				imbangela yekuyekela kwakho?
Inyangga	Umnayaka	Inyanga	Umnayaka	
Protea Hotel	Kwemukela tivakashi	Ingci	2007	--
				--
Nangabe wake wasebenta kunobe nguliphi Litiko laHulumeni, ngabe tikhona yinifu tintfo letingenta ungabe usacasheka?			Yebo	Cha X
Nangabe utsi yebo, nika ligama ieLitiko lowabe usebenta kulo.		--	--	
G. EMAGAMA EBANTFU LABANGAFAKAZA NGawe				
Ligama nesibongo	Budlelwano bakho naye	Tinombolo telucingo langatsinftha kuto ngesikhatsi		
				semsebenti
1. Sifundza Z.K	Umcondzisi wase-Protea Hotel	(013) 750 4081		
2. Shabangu M.B	Thishelanhloko waseKhumbula	(013)751 8769		
3.				
Sibopho				
Ngiyafunga ngiyagomela kutsi ngelkwati kwami lwati lenglunikile luhpelele futsi luliciniso. Ngiyati kutsi nangabe kwenteka kutsi kube khona lwati lenglufakile lelingasilo liciniso, sicelo sami sitakucifwa ngisho nobe umsebenti ngiutfolile, ngibukane nengalo yemtsetfo nangabe kunesidzingo.				
Isayinwe.ngu	:Sibiya L.M.			Lusuku: 25 Indlovana 2010

6. TICHIBIYELO

CAPHELA:

- Sebentisa irubhriki njalo nawumaka indzaba (Liphepha le-3, SIGABAA).
- Emamaki lasukela ku-0-50 ehlukaniswe ngemazinga lasihlanu-(5) etinchazelo temakhono, (Emalengiso, Licophelo leisetulu, Lokwenetisako, Lokusacatfuta naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letishlanu tehlukaniswe ngekwelizinga leisetulu ngalokubabatekako nelizinga leisetulu ngalokungababateki, ngekwehlukana kwemamaki netinchazelo temakhono.
- Sakhwi soна asitsintseki ngalokwehlukaniswa kwelizinga leisetulu ngalokubabatekako nelininga leisetulu ngalokungababateki.

6.1 IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu	Emalengiso	Licophelo leisetulu	Lokwenetisako	Lokusilete	Lokungaphumelelisi
LOKUCUKETFWE NEKUHLELA (Imphendvulo nemibono)	28–30	22–24	16–18	10–12	4–6
Kuhleleka kwemibono nakulungiselelwu kuhhala Kucikelelwu kwenhlosu, tetsameliwati nesimongcondvo	Lizinga leisetulu ngalokubabatekako ngetulu kwalokulindzelekile -Imibono ivutsiwe, inekuhlakanipha, lokukhombisa kucabanga lokujilile -Kuhleleka kungemalengiso lababatekako, kubumbene nesingeniso, umtumba kanye nesipheto	-Imphendvulo lengemalengiso lababateka ngetulu kwalokulindzelekile -Imibono ivutsiwe, iyaheha ihambisana nesihloko ngalokuphelele -Kuhleleka kusecophelwenu leisetulu kakhuli, lokumbene nesingeniso, umtumba nesipheto	-Imphendvulo leyenetisako lesecophelwenu leisetulu ngalokubabatekako -Imibono ibumbene futsi ikholtwaka ngalokwenetisako -Imibono ivutsiwe, iyaheha ihambisana nesihloko ngalokuphelele -Kuhleleka kubumbene nesingeniso, umtumba nesipheto ngalokwenetisako -Buncane bufakazi bekuhleleka nekubumbana -Akukho kuhleleka nekubumbana	-Imphendvulo lengakabumbani -Imibono ayikacaci kanisi futsi akusyo yekuticambela -Buncane bufakazi bekuhleleka nekubumbana	-Yonkhe imphendvulo iyanhlanhlatsa -Imibono ihlangahlangene futsi iyadidana, ayikaondzi ngco -Kunekuphindzaphindza lokungevakali -Akukho kuhleleka nekubumbana
30 EMAMAKI	25–27	19–21	13–15	7–9	0–3
	Lizinga leisetulu ngalokungababateki. -Imphendvulo lengemalengiso kodwua ingenato timphawu tekubabateka -Imibono ivutsiwe futsi inhakaniphile -Kuhleleka lokungemalengiso, kubumbene nesingeniso, umtumba nesipheto	-Imphendvulo lengemalengiso ingenato timphawu tekubabateka -Imibono ivutsiwe, iyaheha, ihambisana nesihloko -Kuhleleka lokusecophelwenu leisetulu lokumbene nesingeniso, umtumba nesipheto	-Imphendvulo leyenetisako kodwua kukhona lokungevakali kahle -Imibono ibumbene, iyakholwaka -Kuhleleka lokusecophelwenu leisetulu lokumbene nesingeniso, umtumba nesipheto	-Imphendvulo legcweli kunhlanhlatsa -Imibono ayihlangani, iyadidana -Abukho bufakazi bekuhleleka nekubumbana	-Awukho namncane umzamo wekuphendvula ngesihloko -Yonkhe imphendvulo iyanhlanhlatsa, ayemukeleki -Akuvakali, kuhlangahlangene

Timphawu	Emalengiso	Licophelo leisetulu	Lokwenetisako	Lokusilele	Lokungaphumeleli
	14–15	11–12	8–9	5–6	0–3
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nenhoso nesimongcondvo Kusetjentiswa kweulwimi, timphawu tekufundza nekubhala, iuhlelo, sipeelingi (lupelomagama)	-Umoya, irejista, sitayela nesilulumagama kuhambelana nenhoso, tetsamelliwati nesimongcondvo ngemalengiso lababatekako -Lulwimi lolunekuteisembwa, lolugcuisako nalolunemba ngemalengiso lababatekako -Emasu ebuguay belulwimi asetjentiswe ngemphumelelo lenkhulu kuveta umoya nekuheha kwempwendvulo -Esikhatsini lesinyenti kakhulu emaphutsa eluhlelo nesipelingi kute -Kunekuticambela lokungemalengiso lasetulu kakhulu	-Umoya, irejista, sitayela nesilulumagama kuhambelana nenhoso, tetsamelliwati nesimongcondvo ngalokwenetisako -Lulwimi lusecophelwani leisetulu kantisi nemoya uyemukeleka emphendvulwani yonkhe -Emaphutsa eluhlelo nesipelingi akasimanyenti -Kuticambela lokusecophelwani leisetulu	-Umoya, irejista, sitayela nesilulumagama kuhambelana nenhoso, tetsamelliwati nesimongcondvo ngalokwenetisako -Lulwimi lusecophelwani leisetulu kantisi nemoya uyemukeleka emphendvulwani yonkhe -Emaphutsa eluhlelo nesipelingi akasimanyenti -Kuticambela lokusecophelwani leisetulu	-Umoya, irejista, sitayela nesilulumagama kuhambelani nenhoso, tetsamelliwati nesimongcondvo -Lulwimi lusecophelwani leisetulu kantisi nemoya uyemukeleka emphendvulwani yonkhe -Emaphutsa eluhlelo nesipelingi akasimanyenti -Kuticambela lokusecophelwani leisetulu	-Lulwimi aluvakali -Umoya, irejista, sitayela nesilulumagama akuhambelani nenhoso, tetsamelliwati nesimongcondvo -Sillulumagama sincane ngendlela yekutsi lkubbaliwe akungalandzeleki -Umoya nekukhetseka kwemagama akwemukeleki -Silulumagama sincane kakhulu
15 EMAMAK Lizinga leisetulu ngalokubabatеко	13	10	7	4	
Lizinga leisetulu ngalokungababatеки					

Timphawu	Emalengiso	Licophelo leisetulu	Lokwenetisako	Lokusilele	Lokungaphumelelisi
	5	4	3	2	0-1
SAKHIWO	-Sihloko sitfutfukiswe ngemalengiso -Imininigwane yeffulwe ngemalengiso -Imisho, netindzima kwakheke ngemalengiso lababatekako	-Imininigwane itftufukiswe ngalokuihlelele -Kunekubumbana -Imisho, netindzima kuhlelekile futsi kutinhlobonhlobo	-Imininigwane ihambisana nesihloko -Imisho netindzima kwakheke kahe Indzaba iyevakala	-Lamany emaphuzu emuktelekile -Imisho netindzima kunemaphutsa -Indzaba ayinamcondvo	-Emaphuzu ladzingekile asilele -Imisho netindzima kunemaphutsa -Indzaba iyevakala noko
5 EMAMAKI		43-50	33-40	23-30	13-20
KWEHLUKA KWEMAMAKI					0-10

6.2 IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA [25 EMAMAKI]

Timphawu	Emalengiso	Licophelo leisetulu	Lokwenetisako	Lokusilele	Lokungaphumelelisi
	13-15	10-12	7-9	4-6	0-3
LOKUCUKETFWE, KUHLELA NESAKHIWO	-Impwendvulo lengemalengiso lababatekako	-Impwendvulo lesecophelweni leisetulu lekhombisa	-Impwendvulo lecaftutako leyefetisako, lekhombisa Iwati Iweluhlobo Iwetheskthi lebhawako	-Impwendvulo lecaftutako lekhombisa Iwati loluncane Iweluhlobo Iwetheskthi lebhawako	-Impwendvulo ayikhombisi nakancane kuba nelwati Iwetimpawu teluhlobo Iwetheskthi lebhawako
Impwendvulo nemibono	-Imibono ivutiwi, inekuhlakanipha, lokuhombisa kucabanga lokujule	-Lwati lolusecophelweni leisetulu Iweluhlobo Iwetheskthi lebhawako	-Umbhalo awukacondzi ngco ngalokuphelele, unekutsemeleta lokutsite	-Umbhalo uneukutsemeleta lokunyentti	-Inshoktisi iyanhlanhlatsa, igewe kuteemeleta lokunyentti
Kuhleka kwemibono					
nakulungiselelwa kubhala Inhoso, tetsameilwati, timphawu/timiso, nesimongcondvo	-Lwati lolungemalengiso Iwetimpawu teluhlobo Iwetheskthi lebhawako	-Umbhalo ucondze ngco – awutsemeleti	-Emaphuzu alokucukettwe abumbene ngalokwenetisako	-Kubumbana kwemaphuzu alokucukettwe kuncane kakhulu	-Emaphuzu alokucukettwe akakabumbani nakancane
15 EMAMAKI	-Umbhalo ucondze ngco	-Lokucukettwe kunemibono lebumbene ngeliophelo leisetulu	-Umbhalwa imininigwane leyesekekela sihloko	-Umbhalwa imininigwane leyesekekela sihloko	-Imbalwa kakhulu imininigwane leyesekekela sihloko
		-Lokucukettwe kunemibono lebumbene ngemalengiso	-Leminye imininigwane iyasesekela sihloko	-Leminye imininigwane iyasesekela sihloko	-Leminye imininigwane iyasesekela sihloko
		-Yonkhe imininigwane icaciswe ngemalengiso kantsi futsi yesekekela sihloko	-Sakhwi siyenetisa kodwu sinemaphutsa latsite	-Sakhwi siyenetisa kodwu sinemaphutsa latsite	-Sakhwi siyenetisa kodwu sinemaphutsa latsite
		-Sakhwi lesemukelekako lesinemaphutsa langasho lutfo	-Kunyenti lokubalulekile lokusilele	-Kunyenti lokubalulekile lokusilele	-Kunyenti lokubalulekile lokusilele
		-Sakhwi lesifanele lesingemalengiso nalesingenamaphutsa			

	9–10	7–8	5–6	3–4	0–2
LULWIMI, SITAYELA NEKUHLUNGWA KWEMAPHUTSA	-Umoya, irejista, sitayela nesilulumagama kuhambelana ngemalengiso nenhoso, tetsameliwati nesimongcondvo	-Umoya, irejista, sitayela nesilulumagama kuhambelana nenhoso, tetsameliwati nesimongcondvo ngelicophelo leisetulu	-Umoya, irejista, sitayela nesilulumagama kuhambelana nenhoso, tetsameliwati nesimongcondvo ngalokwenetisako	-Umoya, irejista, sitayela nesilulumagama akuhambelani kahle nenhoso, tetsameliwati nesimongcondvo	-Umoya, irejista, sitayela nesilulumagama akuhambelani nakancane nenhoso, tetsameliwati nesimongcondvo
Timiso nekuusetjentiswa kwelulwimi	-Luhlelo alunamaphutsa kantsi futsi icambeke kahle -Esikhatsini lesinyenti akunamaphutsa	-Luhlelo luvame kungabi nemaphutsa kantsi futsi umbhalo ucambike ngelicophelo leisetulu	-Kunemaphutsa latsite eluhlelo	-Kugcwale emaphutsa lamanyenti eluhlelo	-Kugcwale emaphutsa lamanyenti ladidanako
Kukhetseka kwemagama Timphawu tekufundza nekubhala nesipelingi	-Silulumagama lesenetisako sisecophelweni leisetulu -Emaphutsa ambalwa kakhulu	-Silulumagama lesenetisako -Emaphutsa akayiphazamisi inshokutsi	-Silulumagama sincane kakhulu	-Silulumagama sincane kakhulu	-Silulumagama asihambisan i nakancane nenhoso
10 EMAMAKI				-Inshokutsi ihlangahlangene kakhulu	-Inshokutsi ihlangahlangene kakhulu
KWEHLUKA KWEMAMAKI	22–25	17–20	12–15	7–10	0–5

CAPHELA:

• Sebentisa irubhriki njalo nawumaka indzaba (Liphepha le-3, SIGABA).

- Emamaki lasukela ku-0–50 ehlukaniswe ngemazinga lasihlanu-(5) etinchazel temakono, (Emalengiso, Licophelo leisetulu, Lokwenetisako, Lokusacatfuta naLokungaphumelelisi).
- Kuletimphawu talokucuketwe, Lulwimi neSitayela, letinchazel temakono letisihlanu tehlukaniswe ngekwelizinga leisetulu ngalokubabatekako nelizinga leisetulu ngalokungababateki, ngekweliukana kwemamaki netinchazel temakono.
- Sakhiwo sona asitsintseki ngalokweliukaniswa kwelizinga leisetulu ngalokubabatekako nelininga leisetulu ngalokungababateki.

6.3 IRUBHRIKI YEKUHLOLA INDZABA YELULWIMI LWEKUCALA LWEEKWENGETA [50 EMAMAKI]

Timpawu

LOKUCUKETFWE NEKUHLELA

(Imphindvulo
nemibono)

Kuhleleka
kwemibono

Emalengiso	Licophelo leisetulu	Lokwenetisako	Lokusilele	Lokungaphumelelisi
28–30	22–24	16–18	10–12	4–6
-Imphendvulo	-Imphendvulo	-Imphendvulo leyenetisako.	-Imphendvulo	-Yonkhe imphendvulo
lengemalengiso lababateka	lesecophelweni leisetulu	-Imibono ibumbene futsi	lengakabumbani.	iyanhlanhlatsa.
ngetulu	ngalokubabatekako.	ikholweka	-Imibono ayikacaci kantsi	-Imibono ihangahlangene
kwalokuindzelekile.	-Imibono ivutsiwe, iyahela	ngalokwenetisako.	futsi akusyo	futsi iyadidana, ayikaondzi
-Imibono ivutsiwe,	ihambisana nesihloko	-Kuhleleka kubumbene	yekuticambela.	ngco.
inekuhiakanipha,	ngalokuphelele.	nesingeniso, umtimba	-Buncane bufakazi	-Kunekuphindzaphindza

lokukhombisa kucatanga lokujuile.	-Kuhleleka kusecophelweni leisetulu kakhulu, lokubumbene	nesiphetfo ngalokwenetisako.	bekuhleleka nekubumbana.	lokungevakali. -Akukho kuhleleka nekubumbana.
kungemalengiso lababatekako, kubumbene nesingeniso, umtimba anye nesiphetfo.	nesiphetfo.			
25–27	19–21	13–15	7–9	0–3
-Imp'hendvulo lengemalengiso kodvwva ingenato timphawu tekubabateka. -Imibono ivutsiwe futsi ihlakaniphile.	-Imp'hendvulo leyenetisako lesecophelweni leisetulu. -Imibono iyahela, ihambisara nesihloko. -Kuhleleka lokusecophelweni -Kuhleleka lokuletulu lokubumbene lokungemalengiso, kubumbene nesingeniso, umtimba nesiphetfo.	-Imp'hendvulo legcweli kodvwa kulkhona lokungevakali kahle. -Imibono ibumbene, iyakholweka. -Kukhona kuhleleka lokutsite kanye nekubumbana nesingeniso, umtimba nesiphetfo.	-Imp'hendvulo legcweli kunhlanhlatsa. -Imibono ayihlangani, iyadidana. -Abukho buffakazi bekuhleleka nekubumbana. nesingeniso, umtimba nesiphetfo.	-Awukho namncane umzamo wekuphendvula ngesihloko. -Yonkhe imp'hendvulo iyanhlanhlatsa, ayemukelki. -Akuvakali, kuhlangahlangene.

IRUBHRIKI YEKUHLOLA INDZABA YELULWIMI LWEKUCALALWEKWENGETA [50 EMAMAKI] (continued)

Timphawu LULWIMI,	Emalengiso 14–15	Licophelo leisetulu 11–12	Lokwenetisako 8–9	Lokusilele 5–6	Lokungaphumeleli 0–3
SITAYELA	-Umoya, irejista, sitayela	-Umoya, irejista, sitayela	-Umoya, irejista, sitayela	-Umoya, irejista, sitayela	-Lulwimi aluvakali.
NEKUHLUNGWA	ngalokubabatekako	nesilulumagama	nesilulumagama	nesilulumagama	sitayela
KWEMAPHUTSA	kuhambelana nenhoso, tetsameliwati	kuhambelana nenhoso, tetsameliwati	kuhambelana nenhoso, tetsameliwati	nesilulumagama akuhambelani nakancane	nesilulumagama akuhambelani nakancane

Kuhambelana		nesimongcondvo	nesimongcondvo	nesimongcondvo	nenhlosos,	nenhlosos, tetsameliwati
kwemoya irejista, sitayela,	ngemalengiso lababatekako.	ngelicophelo leisetulu.	ngalokwenetisako.	ngalokwenetisako.	tetsameliwati	nesimongcondvo.
sillulumagama	-Lulwimi lolunekutetsema, lolugculisako nalolumnemba ngemalengiso lababatekako.	-Lulwimi lusecophelwesi leisetulu kantsi nemoya uyemukeleka	-Lulwimi lusetjentiswe ngalokwenetisako kwefwula lokushiwo embhalweni.	-Lulwimi lusetjentiswe ngalokwenetisako kwefwula kwelulwimi kusacattuta.	-Kusetjentiswa ngendlela yekutsi lokubaliwe	-Silulumagama sincane
nenhlosso	-Emasu ebugagu belulwimi asetentiswe ngemphumelolo	emphendvulweni yonkhe. -Emaphutsa eluhlelo	-Umoya uyenetisa. -Emasu ebugagu belulwimi	-Umoya nekuhketseka kwemagama	akungalandzeleki.	
nesimongcondvo.	lenkhulu kuveta umoya	nesipelingi akasimanyenti.	asetentisive kunotsisa	akwemukeleki.		
Kusetjentiswa	nekuheha kwemphendvulo.	-Kuticambela	lokucuketewe.	-Silulumagama sincane		
kwelulwimi,	-Esikhatsini lesinyenti	lokusecophelweni		kakhulu.		
timphawu tekufundza	kakhulu emaphutsa eluhlelo	leisetulu.				
nekubhala, luhlelo, sipelingi.	nesipelingi kute.					
(lupelomagama)	-Kunekuticambela lokungemalengiso lasetulu					
15 EMAMAKI	13	10	7	4		
	-Lulwimi lusetjentiswe ngemalengiso	-Lulwimi lusetjentiswe ngemphumelelo	-Lulwimi lusetjentiswe ngalokwenetisako kodywa	-Lulwimi lusetjentiswe ngalokungenetisi.		
	nangalokuveta umoya	lesecopheweni elisetulu.	ngalokungafani embhalweni	-Kusetjentiswa		
	lokhutsatako	-Umoya uyemukeleka futsi	wonkhe.	kwtihhlobo		

	ngemphumelelo	uneligalelo lelemukelekile.	-Imvamisa umoya	lelehukene temisho
	-Esikhatsini lesinyenti emaphutsa eluhlelo	-Emaphutsa eluhlelo nesipelingi ambalwa.	wemukelekile, emasu ebugagu beluwimi	kuncane/kute. -Silulumagama sincane
	nesipelingi awekho	-Icambeke kahle.	asetjentiswe kancane.	kakhulu.
	kungemalengiso			
SAKHIWO	5	4	3	2
Timphawu tetheksthi,	-Sihloko sitfutukiswe ngemalengiso.	-Imininingwane iftutukiswe ngalokuhlekile.	-Imininingwane ihambisana nesihloko.	-Lamanye emaphuzu emukelekile.
Kuttutukiswa kwetindzima nekwakhiwa	-Imininingwane yetfulwe ngemalengiso.	-Kunekubumbana. -Imisho netindzima kwakheke kahle	-Imisho netindzima kwetindzima kunemaphutsa.	-Imisho netindzima kunemaphutsa.
kwemisho.	-Imisho, netindzima kuhrerekile futsi kwakheke ngemalengiso lababatekako.	Indzaba iyevakala. kutinhlobonhlobo.	-Indzaba iyevakala noko.	-Indzaba ayinamcondvo.
5 EMAMAKI				
KWEHLUKA	43–50	33–40	23–30	13–20
KWEMAMAKI				
				0–10

6.4 IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWEKUCALA LWEKWENGETA [30 EMAMAKI]

Timphawu LOKUCUKETFWE,	Emalengiso	Licophelo leisetulu	Lokwenetisako	Lokusilele	Lokungaphumelelisi
	15–18	11–14	8–10	5–7	0–4
KUHLELA NESAKHIWO	-Imphendvulo lengemalengiso lababatekako.	-Imphendvulo lesetulu lesecophelwenu leisetulu lekhombisa.	-Imphendvulo lecatutako leyenetisako, lekhombisa lwati iwlulhlobo.	-Imphendvulo ayikkombisi nakancane kuba nelwati lweluhlobo lwetheskshi lwetimphawu teluhlobo.	-Imphendvulo ayikkombisi nakancane kuba nelwati lweluhlobo lwetheskshi lebhawako.
Imphendvulo nemibono	-Imibono ivutsiwe, inekuhlakanipha,	-Lwati i olusecophelwenu lokukhombisa kucabanga lokujulle.	-Lwati iwlulhlobo	-Lwetheskshi lebhawako. -Umbhalo awukacondzi	-Lwetheskshi lebhawako. -Inshokutsi iyanhlanhlatsta igcwele kutsemeleita
Kuhleleka kwemibono	nakulungiselelwa kubhala	Iwetheskshi lebhawako.	Iwetheskshi lebhawako.	Iwetheskshi lebhawako.	Iwetheskshi lebhawako. -Kubumbana kwemaphuzu lokunyenti.
Inhlosos, tetsamelliwati, timphawu/timiso, nesimongcondvo.	-Lwati lolungemalengiso Iwetimphawu teluhlobo	-Umbhalo ucondze ngco, awutsemeleti.	-Umbhalo ucondze ngco, awutsemeleti.	-Emaphuzu alokucuketfwe alokucuketfwe kuncane	-Emaphuzu alokucuketfwe akakabumbani nakancane. -Imbalwa kakhulu imininigwane leyesekela sihloko.
	-Umbhalo ucondze ngco.	-Lokukuketfwe kunemibono	-Lokukuketfwe abumbene	-Imbalwa imininigwane leyesekela sihloko.	-Imbalwa imininigwane leyesekela sihloko.
	-Lokukuketfwe kunemibono	leumbene ngelicophelo	ngalokwenetisako.	-Leminye imininigwane iyasesekela sihloko.	-Leminye imininigwane iyasesekela sihloko.
18 EMAMAKI	leumbene ngemalengiso.	Ileisetulu.	-Leminye imininigwane yetfulwe	-Imitsetto netimiso	-Imitsetto netimiso
	-Yonkhe imininigwane icaciswe ngemalengiso kantsi futsi yesekela sihloko.	ngelicophelo leisetulu kantsi yonkhe yesekela sihloko.	-Sakhwi siyentisa kodwua shinemaphutsa latsite.	letibalulekile tesakhwi setheksthi ngalokufanele.	letibalulekile tesakhwi setheksthi ngalokufanele.
	-Sakhwi lesenukelekako lesingemalengiso	-Sakhwi lesenukelekako lesinemaphutsa langasho lutto.	-Kunyenti lokubalulekile lokusilele.	-Kunyenti lokubalulekile lokusilele.	-Kunyenti lokubalulekile lokusilele.
LULWIMI, SITAYELA	10–12	8–9	6–7	4–5	0–3
NEKUHLUNGWA	-Umoya, irejista, sitayela			-Umoya, irejista, sitayela	-Umoya, irejista, sitayela
KWEMAPHUTSA	nesilulumagama	nesilulumagama	nesilulumagama	nesilulumagama	nesilulumagama
Umoya, irejista, sitayela, inhlosos, tetsamelliwati	kuhambelana ngemalengiso nenhoso, tetsamelliwati	kuhambelana nenhoso, tetsamelliwati	kuhambelana nenhoso, tetsamelliwati	akuhambelani kahle nenhoso, tetsamelliwati	akuhambelani nakanancane nenhoso, tetsamelliwati
	nesimongcondvo	nesimongcondvo	nesimongcondvo	nesimongcondvo	nesimongcondvo

nesimongcondvo	-Luhlelo alunamaphutsa	ngelicophelo lelisetulu.	ngalokwenetisako	-Kunemaphutsa lamanyenti	-Kugeweile emaphutsa
kantsi futsi icambek kahle	-Luhlelo luvame kungabi	-Kunemaphutsa latsite	eluhlelo.	eluhlelo.	lamanyenti ladidanako.
-Esikhatsini lesinyenti	nemaphutsa kantsi futsi	eluhlelo	-Silulumagama sincane	-Silulumagama	ashihambisan nakancane
kweluwimi	akunamaphutsa.	umbhalo ucambek	-Silulumagama	kakhulu.	ashihambisan nakancane
Kukhetseka kwemagama		ngelicophelo lelisetulu.	lesenetisako	-Inshokutsi iyaphazzamiseka.	-Silulumagama
Timphawu tekufundza		-Silulumagama	-Emaphutsa	nenhlosso.	ashihambisan nakancane
nekubhala nesipelingi		-Sisecophelwenu lelisetulu.	akayiphazamisi		-Inshokutsi ihangahlangene
		-Emaphutsa ambalwa	inshokutsi		kakhulu.
12 EMAMAKI					
KWEHLUKA	25–30	19–23	14–17	9–12	0–7
KWEMAMAKI					

SEBENTSA IRUBHRIKI YEKUHLOLA ITHEKSTHI YEMBHAKO LOMFISHA WELULWIMI LWEKUCALA LWEKWENGETA [20 EMAMAKI]

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE,	10–12	8–9	6–7	4–5	0–3
KUHLELA NESAKHIWO					
Imphendvulo nemibono	-Imphendvulo	-Imphendvulo	-Imphendvulo lecatutako	-Imphendvulo ayikkombisi	
Iwetheskthi lebhawako,	lengemalengiso	lesecophelwenu lelisetulu	leyenetisako, lekhombisa	lekhombisa lwati loluncane	nakancane kuba nelwati
Inekuhlakanipha,	lababatékako.	lekhombisa.	lwati iweuhlobo	iweuhlobo iwetheskthi	lwetimpawu teluhlobo
Timphawu/Timiso nesimongcondvo.	-Imibono ivutsiwe,	-Lwati lolusecophelwenu	lwetheskthi lebhawako.	lebhawako.	lwetimpawu teluhlobo
Iokujuile.	lokukhombisa kucabanga	lelisetulu iweuhlobo	-Umbhalo awukacondzi	-Umbhalo unekutsemeleta	lwetimpawu teluhlobo
	-Lwati lolungemalengiso	lwetheskthi lebhawako.	ngco ngalokuphelele,	lokunyenti.	lwetimpawu teluhlobo
12 EMAMAKI	-Umbhalo ucondze ngco,	-Umbhalo ucondze ngco,	unekutsemeleta lokutsite.	-Kubumbana kwemaphuzu	lwetimpawu teluhlobo
Iwetheskthi lebhawako.	-Awutsemeleti .	-Emaphuzu	alokukuketfwe kuncane	alokukuketfwe kuncane	lwetimpawu teluhlobo
	-Lokucuketfwe kunemibono	-Lokucuketfwe abumbene	kakhulu.	kakhulu.	lwetimpawu teluhlobo
	lebumbene ngelicophelo	ngalokwenetisako.	-Imbalwa imininingwane	imbalwa kakhulu	lwetimpawu teluhlobo
	lelisetulu.	-Lemintye imininingwane	leyesekela sihloko.	leyesekela sihloko.	lwetimpawu teluhlobo
	-Umbhalo ucondze ngco.	-Imininingwane yetfulwe	iyasesekela sihloko.	-Imitsetfo netimiso	iyasesekela sihloko.
	-Lokucuketfwe kunemibono	-Inmininingwane yetfulwe	leibalulekile tesakhiwo	-Imitsetfo netimiso	leibalulekile tesakhiwo
Iebumbene ngemalengiso.	ngelicophelo lelisetulu kantsi	-Sakhwi siyenetisa	tesakhiwo setheksthi	tesakhiwo setheksthi	tesakhiwo setheksthi
-Yonkhe iminininingwane	yonkhe yesekele sihloko.	kodwya sinemaphtusa	tesakhiwo setheksthi	tesakhiwo setheksthi	tesakhiwo setheksthi

	icaciswe ngemalengiso kantsi futsi yesekeka sihloko. -Sakhwiwo lesifanele	-Sakhwiwo lesemulekeleka lesinemaphutsa langasho lutto.	latsite.	ngalokufanele. -Kunyentilokubalulekile lokusilele.	letibalulelekile atikalandzelwa nakancane.
	lesingemalengiso nalesingenamaphutsa.				
LULWIMI, SITAYELA	7–8	5–6	4	3	0–2
NEKUHLUNGWA	-Umoya, irejista, sitayela nesilulumagama kuhambelana ngemalengiso Umoya, irejista, sitayela, inhlosso, tetsamelliwati nesimongcondvo.	-Umoya, irejista, sitayela nesilulumagama kuhambelana nenhoso, nenhoso, tetsamelliwati nesimongcondvo -Luhlelo alunamaphutsa	-Umoya, irejista, sitayela nesilulumagama kuhambelana nenhoso, tetsamelliwati nesimongcondvo ngelicophelo lelisetulu.	-Umoya, irejista, sitayela nesilulumagama akuhambelani kahle nenhoso, tetsamelliwati nesimongcondvo ngalokwenetisako	-Umoya, irejista, sitayela nesilulumagama akuhambelani nakancane nenhoso, tetsamelliwati nesimongcondvo. -Kunemaphutsa lamanyenti
KWEMAPHUTSA	kantsi futsi icambike kahle. Timiso nekusetjentiswa kwelulwimi, Kukhetseka kwemagama, Timphawu tekufundza nekubhalha nesipelingi.	-Luhlelo luvame kungabi -Kunemaphutsa latsite eluhlelo nemaphutsa kantsi futsi umbhalo ucambike ngelicophelo lelisetulu.	-Kunemaphutsa latsite eluhlelo -Kunemaphutsa latsite eluhlelo -Silulumagama sincane -Silulumagama kakkulu. lesenetišsako -Silulumagama -Emaphutsa sisecophelweni leisetulu. -Emaphutsa ambalwa	-Kunemaphutsa lamanyenti -Kugcwele emaphutsa lamanyenti ladidanako. -Kugcwele emaphutsa lamanyenti ladidanako. -Silulumagama sincane -Silulumagama kakkulu. -Inshokutsi iyaphazzamiseka. -Inshokutsi ihlangahlangene kakkulu.	-Umoya, irejista, sitayela nesilulumagama akuhambelani nakancane nenhoso, tetsamelliwati nesimongcondvo. -Kugcwele emaphutsa lamanyenti ladidanako.
8 EMAMAKI					
KWEHLUKA	17–20	13–15	10–11	7–8	0–5
KWEMAMAKI					

Published by the Department of Basic Education

222 Struben Street

Private Bag X895, Pretoria, 0001

Telephone: 012 357 3000 Fax: 012 323 0601

© Department of Basic Education

website

www.education.gov.za

facebook

www.facebook.com/BasicEd

twitter

www.twitter.com/dbe_sa

120 Plein Street Private Bag X9023

Cape Town 8000

South Africa

Tel: +27 21 465 1701

Fax: +27 21 461 8110